

稱謂錄第二本

卷五目

夫 下又五頂

妻稱夫

妾稱夫

前夫

方言稱夫

亡夫

妻 下又十三頂

博覽錄

卷五目錄



0645345

稱謂錄第二本

卷五目

夫 下又五頂

容妻稱夫

妾稱夫

前夫

方言稱夫

容亡夫

妻 下又十三頂



465345

妾 下又五項

卷六目

子 下又十五項

女 下又六項

孫 下又六項

卷七目

夫之父母

夫之父

夫之母

夫之亡母

夫之繼母

夫之庶母

夫之兄

夫之兄妻

夫之弟

夫之弟妻

夫之姊

夫之妹

72220

夫之姊妹之夫

妻之父

妻之母

妻之伯叔

妻之兄弟

妻之兄弟之妻

妻之兄弟之子女

妻之兄弟之孫

妻之姊妹

妻之姊妹之夫

妻之兄弟之女之夫

妻之姊妹之子

妾之兄弟

卷八目

姊 下又六頂

妹 下又二頂

同祖姊妹

同曾祖姊妹

同母異父姊妹

姊之夫

妹之夫

姊妹之子

姊妹之女

姊妹之孫

高祖之姊妹

曾祖之姊妹

高祖之姊妹之曾孫

高祖母之兄弟姊妹之曾孫

曾祖母姊妹之孫

曾祖母之兄弟姊妹之孫

高祖之姊妹之來孫

高祖母之兄弟姊妹之來孫

曾祖之姊妹之元孫

曾祖母之兄弟姊妹之元孫

高祖之姊妹之元孫

高祖母之兄弟姊妹之元孫

曾祖之姊妹之曾孫

曾祖母之兄弟姊妹之曾孫

祖之姊妹

祖之姊妹之子

祖母之兄弟姊妹之子

祖之姊妹之子婦

祖母之兄弟姊妹之子婦

祖之姊妹之孫

祖母之兄弟姊妹之孫

祖之姊妹之曾孫

祖母之兄弟姊妹之曾孫

父之姊妹

對人稱父之姊妹

父之姊妹沒

方言稱父之姊妹

父之從父姊妹

父之從祖姊妹

父之姊妹之夫

方言稱父之姊妹之夫

父之姊妹之子

父之姊妹之女

父之姊妹之孫

子之妻

方言稱子之妻

長子妻

庶子妻

子之女

子之婿

孫之妻

孫之女

女之夫

贅婿


亡女之夫

女之子

女之女

婿之父母婦之父母相謂

師友



稱謂錄卷五

福州梁章鉅撰

男恭辰校刊



夫

夫 白虎通嫁娶篇夫者扶也扶以人道者也 說文

夫丈夫从夫一以象簪也 儀禮喪服傳夫者妻之

天也

士 詩女也不爽士二其行 案士指其夫

家 齊語罷女無家韋注夫稱家

外 恆言錄夫婦相稱曰內外晉魏以前無之如秦嘉

顧榮皆有贈婦詩不云贈內也徐悱有贈內詩又有對房前桃樹咏佳期贈內云其妻劉氏有答外詩內外之稱起於是矣

夫子 孟子無違夫子

君子 詩君子于役東門之池序思賢女以配君子也

孔疏妻謂夫為君子上下通稱 曹植樂府結髮事

嚴親來為君子仇

夫婿 古詩東方千餘騎夫婿居上頭 王昌齡詩悔

教夫婿覓封侯 案薩都刺詩阿妹次進偕婿夫則

亦有稱婿夫者

所天 天 蔡邕女賦當春之嘉月將言歸於所天

喪服傳父者子之天夫者婦之天 左傳注婦人在

室則父天出則夫天 後漢列女傳注夫者妻之天

也又班昭傳夫者天也故女憲云得意一人是為永

畢失意一人是為永訖 孟郊詩一女事一夫安可

再移天

藁砧 古詩藁砧今何在 李白詩藁砧一別如箭弦

元黃節婦訓子詩拋心託藁砧低眉奉公姑 案藁

砧鉄也與夫同音故借爲隱語

金夫 士夫 元夫 易蒙見金夫又大過老婦得其

士夫又震爲元夫睽遇元夫

妻稱夫

良 儀禮士昏禮御衽於奧勝衽良席在東鄭注衽臥

席也婦人稱夫曰良

良人 詩小戎厭厭良人秩秩德音鄭箋此旣閔其君

子寢起之勞又思其性與德 案詩序婦人能閔其

君子君子正指其夫則良人亦指其夫也

子 詩女曰雞鳴子興視夜疏夫起卽子興也

君 古樂府十七爲君婦

伯 詩伯兮自伯之東又伯也執殳其夫王案伯曰

歡 古樂府莫愁曲聞歡在揚州相送楚山頭

郎 山堂肆考蕭郎卽蕭史後世女於夫通稱 唐詩

嫁得蕭郎愛遠遊多單呼爲郎 施肩吾詩少妻送

征郎 案宣和畫譜周昉馳譽當代郭子儀壻趙縱

嘗令韓幹寫照衆謂逼真及令昉畫又復過之一日

子儀列二畫於壁俟其女歸詢爲誰曰趙郎也問幹

所寫曰此得形似問昉所畫曰此兼得精神 西湖志餘紹興聞黃公度榜第三人陳脩及唱名問卿有子否對曰臣年六十三歲尙未娶乃詔出內人施氏嫁之年二十三奩具甚厚時人戲爲之語曰新人若問郎年幾四十年前二十三

郎伯 杜甫詩郎伯殊方鎮注婦人稱其夫也

先輩 潘若同郡國雅言吳子華女責其夫王定保曰先侍郎重先輩名行俾妾侍箕帚

卿 妝樓記王安豐婦卿安豐安豐曰婦人卿壻禮爲

不敬婦曰親卿愛卿故爾卿卿我不卿卿誰復卿卿老奴 世說桓温娶李勢女爲妾妻拔刀欲襲之及見曰我見汝亦憐何況老奴

妾稱夫

君 禮記內則君已食徹焉注凡妾稱夫曰君 儀禮喪服斬衰章妾爲君注妾謂夫爲君者不得體之加尊之也雖士亦然賈疏以妻得體之得名爲夫妾不得體敵故加尊之而名夫爲君

男君 釋名妾謂夫之嫡妻曰女君夫曰男君

主父 戰國策蘇秦曰臣鄰有遠為吏者其妻私人夫
 至主母使妾奉卮酒進之妾知其為藥酒也乃陽僵
 棄酒主父大怒而笞之 案列女傳載周大夫妻之
 媵妾事與此同

前夫

前夫 辛延年羽林郎詩男兒愛後婦女子重前夫
 故夫 古詩下山逢故夫

方言稱夫

阿謬阿段 北史獠國傳種類甚多所生男女惟以長

幼次第呼之其丈夫稱阿謬阿段婦人稱阿夷阿等
 皆語之次第稱謂也杜甫有示獠奴阿段詩

愛根 金志妻謂夫曰愛根

沙會 花箋錄高麗國方言自稱其夫曰沙會

亡夫

皇辟 禮記夫曰皇辟鄭注皇君也辟法也妻所取法
 也 書敘指南禮記亡夫曰皇辟

妻

妻 說文妻婦與夫齊者也从女从巾从又又持事妻

職也 白虎通嫁娶篇妻者齊也與夫齊體 釋名

士庶人曰妻妻齊也夫賤不足以尊稱故齊等言也

元妃 案左傳惠公元妃孟子杜注云言元妃明始適

夫人也釋文雖音芳非反而又引傳曰嘉耦曰妃以

釋之蓋妃字古音止有一音而妃字古義亦止一義

說文云妃匹也是古人妃字止用爲妃匹之妃無二

義也大徐音芳非切是古人妃匹之妃卽讀若霏音

亦無二音也顧野王玉篇始旣音芳菲反而又音配

然亦止訓爲匹有兩音而無兩義然則以妃匹之妃

音配而以妃嬪之妃音霏者此乃後人強爲分別實

不足以例古書據玉篇而論之則左傳之元妃亦止

取妃匹之義而可音芳非反亦可音配矣且孔穎達

疏引爾雅釋詁云元始也妃匹也始匹者言以前未

曾娶而此人始爲匹故注云言元始適夫人也疏又

謂妃者配匹之言非有尊卑之異實皆配夫通以妃

爲稱則其字可讀爲配於此益信而今人之所謂元

配卽左傳之元妃也抑據說文配字注云猶色也此

爲配字本義而易之遇其配主詩之天立厥配朱駿

聲通訓定聲皆以為妃之假借則正當以妃為正字而配乃其借字耳又昭八年傳陳哀公元妃鄭姬生悼大子偃師二妃生公子留下妃生公子勝杜注亦云元妃嫡夫人也惟魯惠公之元妃則對繼室言之而陳哀公之元妃則對二妃下妃言之夫人也蔡邕獨婦易蒙納婦吉注婦者配已而成德者也蔡邕獨斷婦之言服也服事於夫也

婦人禮曲禮士曰婦人庶人曰妻禮記曲禮三十曰壯有室鄭注妻稱室孔疏妻居室

室中故呼為室貯物充實曰室儀禮士昏禮記贍室某也鄭注室猶妻也

同室北史封卓妻劉氏傳生則同室終契黃泉白居易贈內詩生為同室親死為同穴塵案閩俗家

已有室而再娶妻謂之同室正室白孔六帖鍾繇老而納正室蓋取宗子雖七十

無無主婦之義北史崔暹傳文襄盛寵王昭儀欲立為正室案今每稱人妻曰令正

內主左昭三年傳齊侯使晏嬰請繼室於晉韓宣子

使叔向對曰若惠顧敝邑撫有晉國賜之內主

中饋 易家人六二无攸遂在中饋貞吉荀爽注坤道

順從故无所得遂供饋中饋酒食是議故曰中饋居

中守正永貞其志則吉故曰貞吉也 劉子翬宿王

勉仲家酒行作歌夫君不有中饋賢咄咄辦此何神

速

伉儷 左成十一年傳已不能庇其伉儷杜注伉敵也

儷耦也

結髮 漢三老袁良碑夫人結髮 案俗稱元配爲結

髮此語漢時已有之隸釋國三老袁良碑羣司以君

父子俱列三台夫人結髮上爲三老此元配稱結髮

之證且見漢世爲三老者必夫婦雙全亦古制之宜

知者也文選蘇子卿古詩結髮爲夫妻注曰結髮始

成人也謂男年二十女年十五時元配稱結髮蓋卽

此義言始結髮時已成伉儷也

鄉里 家里 沈休文山陰柳家女詩還家問鄉里詎

堪持作夫鄉里謂夫也 南史張彪傳謂妻楊氏呼

爲鄉里曰我不忍令鄉里落他處 姚寬曰猶會稽

人言家里

嫡 詩江有汜序嫡能悔過也孔疏嫡謂妻也

嫗 廣雅嫗謂之妻

御 呂覽上農農不出御注御妻也

首妻 後漢書明帝紀注漢官儀三老五更皆取有首

妻男女全具者

寡妻 詩大雅刑于寡妻毛傳寡妻適妻也鄭箋寡有

之妻言賢也 案此亦頌美之詞非如寡人之謙稱

君婦 詩君婦莫莫箋凡嫡妻稱君婦事舅姑之稱也

妻子 韓非子鄭縣人卜子使其妻為袴其妻問曰今

袴何如夫曰象吾故袴妻子因毀新令如故 杜甫

詩結髮為妻子席不暖君牀據此則古人亦有稱妻

為妻子者

妻謙稱

婢子 案左傳僖二十二年懷嬴對太子圉曰寡君之

使婢子侍執巾櫛又僖十五年穆姬曰若晉君朝以

入則婢子夕以死此則妻亦自稱曰婢子

小童 論語夫人自稱曰小童

箕帚妾 史記高祖紀呂公曰臣少好相人相人多矣

無如季相願季自愛臣有息女願為季箕帚妾

夫稱妻

細君 漢書東方朔傳歸遺細君注細君朔妻之名一

說細小也朔輒自比於諸侯謂其妻曰小君 案朔

不應自稱妻名當從後說細君即小君也權德輿詩

細君相望意何如蘇軾上元侍飲詩歸來一點殘燈

在猶有傳柑遺細君

小君 鳳池編唐李紳為相時俗尚輕綃染醮碧為婦

人衣紳自為小君翦裁 禮記曲禮夫人自稱於諸

侯曰寡小君

娘子 輟耕錄都下白庶人妻以及大官之國夫人皆

曰娘子 北齊書祖珽傳一妻耳順尚稱娘子

兒母 公羊哀六年傳陳乞曰常之母注常陳乞子難

言其妻云爾疏若今謂妻為兒母之類

姊 王獻之別郗氏妻帖万欲與姊極當年之足以之

偕老

老婆 王晉卿耳聾頌示東坡老婆心急頻相勸

妹妹 北齊南陽王綽傳呼婦爲妹妹

良人 詩今夕何夕見此良人傳良人美室也疏以見

下云見此粲者粲是二女故知良人爲美室 唐故

穎川陳夫人墓志碑王頊撰文云所恨者以予天年

未盡不得與良人偕死又銘云於戲良人道光母儀

案王頊卽陳夫人之夫也是良人之稱夫亦可施

之妻矣其義蓋本於詩此碑乃江南近出土者

家主婆 恆言錄今鄉村小民呼其妻曰家主婆人皆

嗤其俚俗然南史張彪傳章昭達迎彪便拜稱陳文

帝教迎爲家主是家主之稱不爲無本也

同懷子 陸士衡爲顧彥先贈婦詩感念同懷子謂其

婦也

比肩人 三異記吳中陸東美妻朱氏並有容止寸步

不離號曰比肩人

渾家 恆言錄稱妻曰渾家見鄭文寶南唐近事史虛

白詩風雨揭却屋渾家醉不知尤袤淮民謠無錢買

刀劍典盡渾家衣

渾舍 見昌黎詩渾舍卽渾家也

賢妻 陶潛告子儼等疏余嘗感孺仲賢妻之言 世說補注高柔愛玩賢妻有終焉之志

仁妻 陶潛詩年饑感仁妻

良妻 魏世家家貧則思良妻蘇轍詩別久愧良妻

妾稱妻

女君 儀禮喪服期服章妾為女君鄭注女君君適妻

也賈疏以其妻既與夫體敵妾不得體夫稱夫為君

故稱適妻為女君又釋名見上

主母 見妾稱夫主父注

大姊姊 后妃本傳宋高宗母韋后稱徽宗后為大姊

姊 案此文引見字典姊字注今檢宋史鄭后韋妃

兩傳均無之或當別有所據

姒 案爾雅女子同出謂先生為姒後生為娣郭注同

出謂俱嫁事一夫據公羊傳諸侯娶一國二國往媵

之以姪娣從又詩大雅諸娣從之毛傳云諸侯一娶

九女二國媵之諸娣眾妾也妻稱妾曰娣而妾當稱

妻曰姒矣

對人自稱妻

內 左襄二十八年傳齊慶封好田而嗜酒與慶舍政則以其內實遷于盧蒲嫫氏易內而飲酒杜注內實寶物妻妾也 案此蓋妻妾通謂之內也又哀公十五年傳衛孔圉取太子蒯瞶之姊生悝孔氏之豎渾良夫長而美孔文子卒通於內杜注謂通伯姬此則稱文子之妻曰內也又僖十七年傳齊侯好內多內寵內嬖如夫人者六人此則專稱妾曰內矣錢惟善詩夢裏無題惟寄內當是以內稱妻今有自稱妻曰賤內者殆本此

內子 白居易有代內子賀兄嫂詩 互詳稱人之妻及貴者妻注

內人 藝文類聚卷十八載梁簡文帝詠內人晝眠詩云簾紋生玉腕香汗浸紅紗夫婿恆相伴莫誤是倡家又徐君藉初春攜內人行戲詩云梳飾多今世衣著一時新草短猶通屨梅香未著人 案禮記檀弓文伯之喪敬姜據其牀而不哭曰朋友諸臣未有出涕者而內人皆行哭失聲斯子也必多曠於禮也夫鄭注云內人妻妾孔疏引家語云文伯歎卒其妻妾

皆行哭失聲敬姜戒之曰吾聞好外者士死之好內者女死之今吾子早夭吾惡其以好內聞也據此則內人為妻妾之通稱也若類聚兩詩當是專指其妻室人 詩室人交徧謫我 恆言錄列子歸而告之室人室人謂夢認人鹿江淹有悼室人詩皆當為夫指婦之稱

荆婦 王貞詩丁甯語荆婦

山妻 杜甫詩理生那免俗方法報山妻

稱人之妻

德配 孫逖故程將軍妻樊氏輓歌德配程休甫名高

魯季姜案今皆以德配稱人妻或本諸此

令閣 侯鯖錄東坡再謫惠州一老舉人年六十九為

鄰其妻三十誕子公與詩云令閣方當而立歲賢夫

已近古稀年

令室 晉傅休奕秋胡詩秋胡納令室三日宦他鄉人

令妻 詩魯頌令妻壽母

邑君 書敘指南董卓呼人妻曰邑君

內子 晏子春秋景公燕晏子之家見其妻曰此子之

內子耶 頻羅菴遺集古人稱人之妻亦曰內子見

北夢瑣言孫內子條 互詳自稱其妻及貴者妻注

合妻 貴者妻

夫人 孺人 禮記曲禮天子之妃曰后諸侯曰夫人

大夫曰孺人 公羊隱二年九月紀履緌來逆女傳

女在其國稱女在塗稱婦入國稱夫人 江淹恨賦

左對孺人

內子 左僖二十四年傳以叔隗為內子而已下之杜

注卿之嫡妻為內子 楚語司馬子期欲以妾為內

子韋注內子卿之嫡妻 禮記曾子問大夫內子有

殷事鄭注內子大夫適妻也 互詳自稱其妻及稱

人之妻注

命婦 禮記曾子問疏大夫妻曰命婦 周禮內宰凡

喪事佐后使治內外命婦注士妻亦為命婦

方言稱妻

媼 集韻區遇切河南謂婦曰媼 媼 媼 媼 媼 媼

媼 集韻北末切音撥羌人謂婦曰媼 媼 媼 媼 媼

媼 史記匈奴傳後有所愛閼氏索隱注匈奴皇后

號也今案習鑿齒與燕王書曰山下有紅燕北方採取其花染微黃將取其上英鮮者作臙脂婦人采摛用為顏色因名妻作閼氏據此則閼氏亦妻之通稱也

焉提 論衡亂龍篇金翁叔休屠王之太子也母死武

帝圖其母於甘泉殿上署曰休屠王焉提 錢竹汀

云焉提即閼氏也古書氏是通用

末蒙 國史補西番呼贊普之妻曰末蒙

天公主 五代史附錄回鶻其可汗常樓居妻號天公

主

薩薩 薩那罕 金志夫謂妻為薩薩 案洪皓松漠

記聞夫謂妻為薩那罕

陡臂 花箋錄高麗國方言稱其妻曰陡臂

阿夷阿等 見上夫稱阿暮阿段注

夫娘 輟耕錄苗人謂妻曰夫娘

媚娘 說鈴崗谿織志洞酋妻皆名媚娘

出妻

出妻 儀禮喪服傳出妻之子為母期則於外祖父母

無服敖氏繼公曰出妻者見出之妻也

判妻 周禮地官媒氏鄭康成注判妻出妻再嫁者

亡妻

嬪 禮記曲禮生日妻死曰嬪注嬪者婦人有法度之

稱也又云婦人美稱妻死其夫以美號名之故稱嬪

令人 朱子年譜四十七歲令人劉氏卒 案稱其妻

也

前妻 列女傳齊義繼母曰少者妾之子也長者前妻

之子也

舊妻

故妻 風俗通百里奚為秦相堂上作樂澣婦自言知

音撫絃而歌曰百里奚五羊皮臨別時烹伏雌炊糜

屢今日富貴忘我為奚驚問之乃其故妻也遂還為

夫婦

故劍 漢書宣帝紀宣帝與許后起微賤及即位公卿

議更立后帝乃詔求微時故劍大臣知指立許為皇

后

後妻

後妻 列女傳二義者珠崖令之後妻及前妻之女也

繼室 左傳惠公元妃孟子卒繼室以聲子生隱

公杜注元妃死則次妃攝治內事猶不得稱夫人故

謂之繼室又昭三年傳齊侯使晏嬰請繼室於晉

後夫人 韓愈清邊郡王楊燕青碑文後夫人河南郡

夫人雍氏某官之孫某官之女有男二人有女一人

案此碑上文已載夫人李氏而又載後夫人稱王

之後妻也

未婚妻

媵會 漢故相小史夏堪碑媵會謝氏并靈合柩案媵

會即媵妻也媵與聘通碑敘夏堪天歿而媵妻謝氏

未并靈合柩之事今世俗有未婚守志而同穴者亦有

聘妻早隕歸柩於夫氏雖事非典禮要所由來已自

漢始也

西守寡妻

嫠婦 說文嫠無夫也 蘇軾赤壁賦泣孤舟之嫠婦

霜妻 唐故雁門郡解府君墓誌霜妻李氏偕老願違

案霜與媵同俗之韻育同矣音自古育之韻

孝妻養新錄俚俗之稱有可笑者自古有之蘇州府

觀元妙觀前磚塔近年傾圮土人拾得一磚有崇奉三

寶女弟子孝妻傅氏妙喜等蓋宋時所刻又盤門內

西泮環蒼石井闌上有孝夫某為亡妻何氏四一娘

字嘉泰元年刻又府前西米巷石井闌有孝夫某為

亡前妻黃氏十四娘字嘉定十七年十二月刻則更

可笑矣案文苑英華唐張說王奠碑孫述王敬從

碑皆有孝妻之稱據兩引孝夫皆為亡妻稱之則孝

妻亦為亡夫稱之矣蘇人方言有喪服謂之戴孝夫

婦之喪皆有服故亡妻自稱孝夫而亡夫者自稱孝

妻耳

未亡人左莊二十八年傳文夫人曰今令尹不尋諸

仇讎而於未亡人之側不亦異乎杜注婦人既寡自

稱未亡人

妾爾雅妾接也白虎通嫁娶篇妾者接也以時接

見也釋名妾接也以賤見接幸也

姬集韻眾妾統稱案葉夢得石林燕語婦人無名

以姓爲名故周人稱王姬伯姬姬周姓後世不思其
故遂以姬爲通稱矣以虞美人爲虞姬戚夫人爲戚
姬政和閒帝女下嫁曰帝姬嘗白蔡魯公欲改正之
不果郎仁寶七脩類纂辨之曰姬固周姓亦爲婦人
美稱毛詩曰彼美淑姬師古曰周貴於衆國之女所
以婦人之美者稱姬若以國姓而後世傳訛則黃帝
未姓姬炎帝姓姜左傳雖有姬姜連稱之辭獨用一姜
字稱婦人可乎據此則古人以姬爲婦人之通稱至
後世乃專以之稱妾耳

內 左僖十七年傳齊侯好內 荀子霜降逆女冰泮

殺內十日一御注當爲冰泮逆女霜降殺內殺滅也

內妾御也 又見上妻稱內注

造 左昭十一年傳泉邱人有女夢以其帷幙孟氏之

廟遂奔僖子僖子使助遠氏之造杜注造副倅也遠

氏女爲僖子副妾孔疏禮有副車倅車皆爲副貳之

車也造亦副倅之意妻爲正嫡妾爲副貳遠氏之女

先爲副貳別居在外故使泉邱人女與之聚居令副

助而爲對偶之 案塗說近有妾死多混稱爲造室

攷左傳造為妾之副即俗所謂通房了頭

孀 須 須 案漢書師古注下妻猶言小妾而說文

云孀下妻也則孀為妾稱無疑矣易歸妹以須釋文

云陸作孀李衡義海撮要引陸希聲云天文織女為

貴須女為賤左傳昭十年注引星占云婺女為既嫁

之女織女為處女婺即須不應為賤故廣雅云妻謂

之孀孀須同也蓋小妻中之長者耳俞理初癸巳類

稿說

姘 字彙音貧妾也

童 易大畜注童妾也釋文童本作僮 史記貨殖傳

僮者婢妾之總稱也

小 詩邶風愠于羣小朱注小眾妾也

小星 詩嘒彼小星傳小星眾無名者箋云眾無名之

星隨心喝在天猶諸妾隨夫人以次序進御于君也

孺子 國策薛侯所寵士孺子妾也 案漢書藝文志

中山王孺子妾歌注云孺子王妾之有名號者國策

又云王有七孺子韓非子作十孺子又韓非子八姦

篇云一曰在同牀貴夫人愛孺子是也左傳哀公三

年季孫有疾召正常曰無死南孺子之子男也則以告而立之注云桓子妻者非是秦策云某夕某孺子納某士漢書王子侯表東城侯遺為孺子所殺則凡王公至士民妾通得稱孺子

少妹 梁書劉孝綽傳攜妾入官府其母猶停私宅到洽為御史劾之云攜少妹於華省棄老母於下宅高祖為隱其惡改妹為妹

侍人 異聞總錄李元衡遣僕歸僕還云宅內固無事某到時侍人自持飯飯我侍人謂其侍妾也

側室 漢書文帝賜南越王書朕高皇帝側室之子顏

注非正嫡所生 案古以支子為側室系乎子不系

乎母卿置側室者得為眾子立官也其以側室為妾

似自顏師古始然淮南子修務訓楚莊之琴側室爭

鼓之宋書謝靈運傳陸展染鬚髮欲以媚側室南史

齊安成王秀早孤文帝命側室陳氏母之又韋放傳

放與張率皆有側室懷孕因指腹為婚則以妾為側

室其來已久矣元李謙為張文謙神道碑蘇天爵高

文貞碑銘並書側室

別室 北史后妃傳爾朱榮女魏孝莊后也神武納為別室

他室 元潘澤碑子希承他室李出

次室 金史海陵本紀稱妾曰次室

偏房 列女傳晉趙衰妻頌曰身雖尊貴不妒偏房

少房 宋濂撰方愚菴墓版稱妾為少房黃梨洲金石

要例載之

別房 世說惑溺篇謝太傅劉夫人性妒不令公有別

房

屬婦 書梓材至于屬婦釋文屬婦妾之事妻也說文

作至于媯婦 小爾雅廣義妾婦之賤者謂之屬婦

案書傳存恤妾婦疏經言屬婦傳言妾婦者以妾

屬於人故名說文媯字注婦人妊身也則以媯婦為

小孕婦

小婦 漢書元后傳鳳知其小婦弟張美人師古曰小

婦妾也 說鈴王崇簡談助昔大金吾陳中園嘗言

染鬚者有二端在家欺小婦在外欺朝廷耳

旁妻 漢書元后傳王禁好酒色多取旁妻

卽妾也

下妻 漢書王莽傳一男子自稱漢氏劉子輿成帝下

妻子也 後漢書光武紀依託人爲下妻欲去者聽

之李賢注下妻猶言小妻

少妻 後漢書董卓傳將朝升車而馬驚墮泥還入更

衣其少妻止之

外婦 漢書高五王傳齊悼惠王肥其母高祖微時外

婦也注謂旁通者

小妻 嬖 漢書外戚恩澤侯表陽都侯張彭祖爲小

妻所殺又枚乘傳乘在梁時取臯母爲小妻又孔光

傳定陵侯滔于長小妻迺始等六人 後漢書梁王

暢傳臣小妻三十六人其無子者聽還本家又竇融

傳女弟爲大司空王邑小妻又宗室四王三侯傳趙

惠王乾居父喪始聘小妻注小妻妾也 三國吳志

駱統傳統母改適爲華歆小妻 說文嬖奢也一曰

小妻也

庶妻 後漢書王世充傳世充祖死其妻與霸城人王

粲爲庶妻其父收從之因冒粲姓

夔妻 漢書賈誼傳天子之后以緣其領庶人夔妻以緣其履

庶妾 穆天子傳郭璞注庶妾謂眾散妾也

伎妾 晉書王國寶傳後房伎妾以百數

色妾 申鑒然外則管仲射已備姬色妾非愛也

女妾 詩女所治兮箋女女妾

姻妾 左傳稱姻妾以告

薄命妾 孟郊詩有古薄命妾篇

祇候人 莊綽雞肋篇古所謂媵妾者今世俗西北名

曰祇候人或曰左右人而浙人呼為貼身或云橫牀

江南又曰橫門

次妻 如君 細君 姨娘 姬娘 姑娘 俞正燮

癸巳類稿又載此數稱均未言其出於何書姑為附錄於後

稱人之妾

如夫人 左僖十七年傳齊侯好內多內寵內嬖如夫

人者六人 案今稱人之妾為如夫人當本此 紹

興閒話詞朕眷禮勳臣既極異姓王之貴疏恩私室

併侈如夫人之榮 元姚燧撰阿力海涯碑亦稱如

夫人

小夫人 釋法顯佛國說恆水上流有一國王王小夫

人生一肉胎太夫人妒之又小夫人於樓上語賊言

汝是我子何故作反逆事賊云汝是何人云是我母

小夫人曰汝等若不信者盡張口仰向小夫人即以

兩手搆兩乳各作五百道墜于子口中賊知是我

母

老妾

房老 拾遺記石季倫愛婢翔風最以文詞擅愛及年

三十退為房老

房長 負暄雜錄婢妾年久而位高者謂之房長

隨嫁妾

媵 詩江有汜序美媵也疏媵謂妾也謂之媵者以其

從嫡以送為名也 案我行其野箋疏妾送嫡而行

故謂妾為媵媵之名不專施妾凡送女適人者男女

皆謂之媵又案男亦曰媵者左氏以并伯媵秦穆姬

是也 釋名姪娣曰媵媵承事嫡也 韓非子昔秦

嫁女于晉從文衣之媵七十二人至晉晉人愛其妾

而賤公女此可謂善嫁而未可謂善嫁女也

右媵 左媵 嫡姪娣 右媵姪娣 左媵姪娣 公

羊隱元年傳注禮適夫人無子立右媵右媵無子立

左媵左媵無子立嫡姪娣嫡姪娣無子立右媵姪娣

右媵姪娣無子立左媵姪娣

姬媵 北史蕭管傳管一幸姬媵臥病累旬

諸娣 詩韓奕篇諸娣從之毛傳諸娣眾妾也

女從者 儀禮士昏禮注女從者謂姪娣也

宦女 宦事秦為妾者見左傳僖公十七年注 案魏

風三歲貫女三家詩作宦女是貫宦二字古書通用

因思易之貫魚以宮人寵不獨取其象抑且寓其音

也

有子妾

長妾 禮記曲禮士不名家相長妾疏長妾妾之有子

者也 梁武帝駁慈母服儀制若是兄弟之母其先

有子者則是長妾

貴妾 儀禮敖氏說貴妾長妾也據士昏禮媵有娣姪

之長為妾之貴者

齊平春以叔身

右也

左也

也

也

也

也

也

稱謂錄卷六

福州梁章鉅撰

男恭辰校刊

子

丈夫子

史記商瞿年長無子孔子曰無憂瞿年四十

後當有五丈夫子已而果然

戰國策非徒不愛子

也又不愛丈夫子獨甚

男

韓愈考功員外盧君墓表男三人河南少君李公

墓誌銘公之子男四人集賢院校理石君墓誌銘生

男二人河東薛君墓誌銘凡四男五女此皆稱子曰

男也

兒 廣雅釋親兒子也玉篇男曰兒女曰嬰漢書外黃

令舍人兒

兒子 史記齊悼惠王世家高后兒子畜之 漢書高

帝紀鄉者夫人兒子皆以君

孩兒 書康誥傳愛養人如安孩兒 後漢書公孫述

傳孩兒老母口以萬數

晚生 晉書元帝四王傳成帝詔以小晚生奕繼東海

哀王冲 梁玉繩曰晉時呼子為晚生故元帝於琅

邪王煥令曰晚生矇弱奕即廢帝海西公是哀王從

孫故云小晚生

息男 曹植謝恩章詔書封臣息男

嬌兒 李義山有嬌兒詩又歐陽修詩嬌兒癡女繞翁

膝

寵子 說苑魏文侯與田子方語有兩童子衣錦而侍

於前田子方曰此君之寵子乎

保子 大戴禮上之親下也如腹心則下之親上也如

保子之見慈母也

父稱子

吾兒 楊萬里詩汝翁老官緣索米吾兒在家勉經史

子息 尸子注息小兒也東觀漢記有此我子息之語

大郎 晉書王導子悅附傳導性儉節帳下甘果爛敗

令棄之云勿使大郎知案世說注云大郎王悅也

公 天祿識餘云鼂錯父呼子為公陸賈呼子為公蔡

京呼子為公蔡猶帶呼鼂陸則專呼也

對人自稱其子

小兒 楊萬里有得小兒壽俊家書詩

不肖子 孟子丹朱之不肖舜之子亦不肖

無狀子 漢書杜欽傳杜業為函谷關都尉會定陵侯

長有罪當就國長舅紅陽侯立與業書曰誠哀老姊

垂白隨無狀子出關注無狀猶言不肖

賤息 史趙世家曰賤息

弱息 南史周盤龍傳小人弱息當得一子

糞土息 表異錄說苑自稱子曰糞土息

稱人之子

郎君 鏡源遺照集吳斗南曰漢制二千石以上得任

其子為郎故謂人之子弟曰郎君

小郎君 碑版廣例東魏敬史君碑稱太守敬忻之子

為小郎君

令郎君 古詩直說太守家有此令郎君

郎子 北史暴顯傳顯幼時見一沙門指之曰此郎子

好相表大必為良將貴極人臣語終失之

賢郎 世說補寇萊公七歲詠華山詩云只有天在上

更無山與齊其師謂其父曰賢郎聲口不凡他年怎

不作宰相

令嗣 冊府元龜昭宗乾甯二年以大理卿李炯為黔

中宣慰使李國朝名相之令嗣也 黃庭堅答晦夫

書向見令嗣眉目明秀

令似 王銍默記劉原父就省試父立之止以候榜郡

守曰雖令似才俊豈可預料 案詩以似以續令似

當本此耳

賢子 世說王僕射謂柳世隆曰賢子俱有盛才 魏

武帝與楊文先書足下賢子恃蒙父之勢

良子 漢書杜欽傳贊曰張湯杜周列於酷吏而俱有

良子

令子 李商隱詩過庭多令子 南史任昉傳褚彥回

謂遙曰聞卿有令子案遙昉父名又案碑版廣例宏

農楊氏傷子辭曰子有令子儉衣削食是己之子亦

稱令子

壤子 漢書鄒陽傳壤子王梁代晉灼曰楊雄方言梁

益之間所愛謂其肥盛曰壤

爭子 孝經父有爭子則身不陷於不義

食子 收子 左文元年傳王使內史叔服來會葬公

孫敖聞其能相人也見其二子焉曰穀也食子難也

收子 鄒陽書食子奉祀養者收子殯葬者

克家子 金史世宗紀譬之農家種田商人營財但能

不墜父業卽爲克家子

不凡子 汝南先賢傳薛勤爲郡功曹陳仲舉年十五

爲父資書詣勤勤顧而異之明日勤造焉仲舉父出

廷勤曰足下有不凡子吾來候之不從卿也

跨竈 天祿識餘海客日談曰馬前蹄內有二空處名

竈門馬之良者後蹄印地之迹反在前蹄印地之前

故名跨竈言後步趨過前步也又謂竈上有金金從父跨竈則越父矣合二說乃言賢子也

瓜子 黎愧曾仁恕堂筆記甘州人謂不慧之子曰瓜子殊不解所謂後讀唐書賀知章有子請名於上上笑曰可名之曰孚知章久乃悟上諱之曰以不慧故破孚字爲瓜子也則知瓜子之呼自唐以前已有之

鬼子 睽車志盧充與崔少府女幽婚後生子抱以還充故陸士衡言盧曰鬼子敢爾

長子

長子 嫡子 儀禮喪服斬衰章父爲長子鄭注不言嫡子通上下也亦言立嫡以長賈疏言長子通上下宗則適子之號惟據大夫士不通天子諸侯亦言立嫡以長者欲見嫡妻所生皆名適子第一子死則取適妻所生第二長者立之亦名長子若言適子唯據第一者若云長子通立嫡以長故也 案期服章大夫之嫡子爲妻賈公彥謂適子之號惟據大夫士蓋本於此然大功章又云公爲適子之長殤中殤大夫爲適子之長殤中殤鄭注公君也諸侯大夫不降適殤

者重適也天子亦如之然則嫡子之稱亦通於天子諸侯矣

嫡妻子 梁武帝駁慈母服議制嫡妻之子無母使妾

養之慈隆隆至雖均乎慈愛但嫡妻之子妾無為母

之義而深恩事重故服以小功

適 漢書五行志亂辟無適注引如淳適適子也

宗子 儀禮喪服齊衰三月章丈夫婦人為宗子宗子

之母妻注宗子繼別之後百世不遷所謂大宗也賈

疏案喪服小記及大傳云繼別為大宗又云有五世

則遷之宗小宗有四是也有百世不遷之宗繼別為

大宗是也 案據此則宗子為大宗長嫡非通言小

宗也與尋常之長嫡不同

宗後 曲禮則反告於宗後注宗後宗子也

宗 詩白華序以孽代宗箋孽支庶也宗適子也

冢子 禮內則冢子則太牢注冢子猶言長子通於下

冢也 案內則又謂冢子未食而見必執其右手適子

冢庶子已食而見必循其首以冢子與適子並稱則冢

子與適子亦當有別

冢嫡 唐故孝子太原郭府君墓誌銘易州府君冢嫡

冢嗣 書敘指南後姜撫長子曰冢嗣

冢息 唐書桑道茂傳李鵬為盛唐令道茂曰君位止

此冢息而位宰相次息亦大鎮

正室 禮文王世子正室守大廟注正室適子也

義嗣 左傳吳子諸樊既除喪將立季札季札辭曰君

義嗣也誰敢奸君注諸樊適子故曰義嗣

嗣子 禮記大夫士之子不敢自稱曰嗣子某疏此諸

侯之大夫士之子也諸侯在喪稱嗣子某臣之子避

之也

世子 儀禮賈疏世子惟據天子諸侯之子

代子 白虎通諸侯王之嫡子稱代子 案此疑唐人

避諱改之唐世宗亦稱代宗

樹子 穀梁僖九年傳無易樹子 范注樹子嫡子

案諸侯之嫡子天子命為之嗣者曰樹子

門子 周禮春官小宗伯其正室皆謂之門子注將代

父當門者也 國語晉語育門子注門子大夫之適

子

後子 墨子君與父母妻後子死三年喪服 案後子

者為父後之子即長子也 戰國策謂齊太子申為

後子荀子謂丹朱為堯後並同

元子 漢豫州從事孔褒碑泰山都尉之元子又郎君

鄭固碑著君元子也

大子 儀禮賈疏案服問云君所主夫人妻大子適婦

鄭注云言妻見大夫以下亦為此三人為喪主也則

大子下及大夫之子不通士 碑版廣例孫叔敖碑

陰世伯有六男大子字長都孝伯亦有六男大子字

惠明其下五子俱稱次第為後來文字所罕見者

尚子 水經濁漳水注尚子即長子之異名也 備文今

家督 史記越世家家有長子曰家督

根嗣 漢故相小史夏堪碑零陵太守之根嗣也案根

嗣即長子之稱

伯 長子也詩載芟侯主侯伯傳又白虎通伯者子最

長迫近父也又左氏隱元年傳惠公元妃孟子疏嫡

妻之子長者稱伯

孟 孟子 白虎通姓名庶長稱孟魯大夫孟氏是也

郎中鄭固碑君大男孟子有揚鳥之才又銘詞嗟嗟
孟子苗而不斂

長庶男 史記齊悼惠王世家齊悼惠王劉肥者高祖
長庶男也

首子 史記宋微子世家微子開者殷帝乙之首子而
紂之庶兄也 淮南子主術訓齊桓公好味而易牙

烹其首子而餌之

鼻子 王應麟漢制考始生子為鼻子 許氏說文今
俗以始生子曰鼻子是

大兒 木蘭詩阿耶無大兒 楊萬里詩大兒長孺赴

零陵

庶子

庶子 儀禮喪服期服章大夫之庶子為適昆弟注兩
言之者適子或為兄或為弟賈疏此大夫之妾子故
言庶若適妻所生第二以下當直云昆弟不言庶也
云兩言之者以其適妻所生適子或長於妾子或小
於妾子

眾子 儀禮喪服期服章為眾子注眾子者長子之弟

及妾子女子在室亦如之士謂之衆子未能遠別也
大夫則謂之庶子降之爲大功天子諸侯不服之內
則曰冢子未食而見必執其右手適子庶子已食而
見必循其首 案據此則衆子與庶子又有別
支子 儀禮喪服斬衰章傳何如而可以爲人後支子
可也賈疏支子則第二以下庶子也不言庶子云支
子者若言庶子妾子之稱言謂妾子得後人嫡妻第
二以下子不得後人是以變庶言支支者取支條之
義 案據此則支子與庶子兩稱亦有分別

餘子 尙書大傳餘子皆入學鄭注餘子猶衆子也

汲冢周書糴匡篇餘子務藝孔晁注餘衆也 左傳

餘子公行杜注嫡子之母弟也 漢書食貨志餘子

亦在於序室注引蘇林曰餘子庶子也

支庶 蘇舜欽詩君不祭臣僕父不祭支庶一作枝庶

諸子 周禮夏官諸子掌國子之倅鄭注古者周天子

之官有庶子官與周官諸子職同文 案公卿大夫

元士之適子入於成均者謂之國子諸子所掌蓋其

衆子爲國子之副貳者周以諸子名官實卽庶子之

義

別子 儀禮喪服其適夫人之次子或眾妾之子曰別

子亦曰支子 禮記別子為祖注諸侯之庶子別為

後世為始祖也謂之別子者公子不禰先君

介子 禮記曾子問曰宗子為士庶子為大夫其祭也

如之何孔子曰以上牲祭於宗子之家祝曰孝子某

為介子某薦其常事案謂庶子也又案海錄碎事介

子次子也

孽 孽子 庶孽 書大傳孽代其宗注孽支子也說

文庶子也 孟子獨孤臣孽子 文選洞簫賦注孽

子庶子也 公羊襄二十七年傳則是臣僕庶孽之

事也注庶孽眾賤子猶樹之有孽生

支孽 史記呂后紀贊大臣蒞醢支孽芟夷

側室 春秋桓二年傳曰卿置側室杜解側室眾子也

文十二年傳曰趙有側室曰穿又漢書賈誼傳非有

側室之勢應劭曰禮卿大夫之支子為側室

側出子 唐王珙傳婢妾所生也

次子

中子 史記伯夷列傳國人立其中子

次男 隋舍利塔銘楊繼宗之次子稱次男

次息 見長子稱冢息注

第二庶息 文選任昉奏彈劉整寅第二庶息師利

少子

少子 國策丈夫亦愛憐少子乎

少兒 方言少兒泣而不止曰咍注少兒猶言小兒

季 詩陟岵母曰嗟予季行役傳季少子也 白虎通

姓名季者幼也

阿小 唐雁門郡解府君嗣子忠信次子少遷次子少

恭次子少璘次子少儀次阿小阿小乃是最幼之子

也

雙生子

孿子 呂氏春秋疑似篇云夫孿子之相似者其母常

識之字亦作孿衆經音義引倉頡篇云孿一生兩子

也

釐孳 健子 孿生 楊子方言陳楚之間凡人鬻乳

而雙產謂之釐孳秦晉之間謂之健子自關而東趙

魏之間謂之孿生

承繼子

所子 漢書宣帝紀封賀所子師古曰所子者言養弟

子以為子

養子

養子 後漢書順帝紀初聽中官得以養子為後世襲

封爵 宋史岳雲飛養子年十一從張憲戰多得其

力軍中呼羸官人

外子 梁師成為東坡外子

贅子 前漢嚴助傳注令子出就婦家為贅壻曰贅子

漢書如淳注淮南俗賣子與人作奴婢名為贅子三

年不能贖遂為奴婢

假子 世說注何晏父早亡魏武為司空時納晏母並

寵其子常謂晏為假子又唐內侍李輔光墓誌稱有

假子數十人 獻帝春秋隨母男曰假子

售子 留青新集隨母改適曰售子售賣也猶以此身

賣於他人也

義兒 五代史義兒傳唐起代北其所俱皆雄武之士

往往養以為兒號義兒軍

義男 困學紀聞鍾紹京為宰相而稱義男於揚思助

之父

螟蛉 野客叢書今呼非生之子曰螟蛉觀南史宋明

帝負螟之慶言廢帝非所生也知此說由來久矣

寄養子

客兒 鍾嶸詩品靈運生於會稽旬日而謝幼度亡其

家以子孫難得送靈運於杜治養之十五方還故名

客兒

微子 十國春秋注杜荀鶴收之微子也收有妾懷孕

出嫁長林鄉正杜筠而生荀鶴

已亡子

亡兒 晉書羊祜傳祜五歲令乳母取所弄金環母曰

汝無此物祜即詣鄰人李氏東垣桑林中探得之主

人驚曰此吾亡兒所失物蓋祜前身即李氏子也

孤子

孤子 管子民生而無父母謂之孤子曲禮孤子當室

注孤子謂年未三十者 雜記上孤子須矣疏孤謂

嗣子也此又一解

哀子 孝子 禮雜記祭稱孝子孝孫喪稱哀子哀孫

棘人 詩庶見素冠兮棘人樂樂兮

熒子 前燕錄孤孫熒子十室而九

孤孩 寡婦賦愁煩冤其誰告兮提孤孩於坐側

遺腹子 後漢書鄭康成傳康成惟有一子益恩孔融

在北海舉為孝廉及融為黃巾所圍益恩赴難隕身

有遺腹子康成以其手文似已名之曰小同 史記

李廣傳李當戶有遺腹子名陵注當戶李廣長子

淮南子說林訓遺腹子不思其父無貌於心也不夢

見像無形於目也

後母稱子

前男 唐處士包公夫人墓誌銘撫育前男恩通已子

蓋夫人為包公繼室也

方言稱子

慮 水經注弱年慮子正字通慮困音義通湘漢之間

凡言是子是謂之慮若東齊言子矣 廣雅慮子也

方言慮子聲之轉也

囷 天中記閩人呼子曰囷亦見青箱雜記 顧况囷

詩哀閩囷也 陸游詩阿囷略知郎罷老

盭 菽園雜記廣東謂老人所生幼子曰盭

珠兒 述異記越俗以珠為上寶生女謂之珠娘生男

謂之珠兒

孤屠 後漢南匈奴傳諸子為孤屠亦作塗

了加 花箋錄高麗國方言父呼其子曰了加孫曰了

寸了姐

女

女子子 禮記曲禮姑姊妹女子子已嫁而反 顧炎

武曰女子子謂已所生之子若兄弟之子別於男子

也古人謂其女亦曰子詩曰齊侯之子衛侯之妻論

語曰以其子妻之是也喪服小記言女子子在室為

父母杖然則女子子為已生之子明矣 儀禮喪服

大功章姑姊妹女子子適人者

弱女 陶詩弱女雖非男慰情聊勝無

穉女 梅堯臣詩穉女扳簾笑嬌妃

細娘 彭汝礪詩有女天天稱細娘

門楣 山堂肆考唐元宗寵楊妃時人謠諺有曰男不封侯女作妃君看女卻是門楣

小茶 元好問詩牙牙嬌女總堪誇學念新詩似小茶注唐人以茶爲小女美稱

小娘子 韓愈祭女祭文稱小娘子 歐陽修與連元禮簡承賢郎小娘子見過有佳兒女如此朋友當其慶也 翟顥通俗編云夢梁錄載杭人議親帖子開寫第幾位娘子蓋當時女子在母家卽稱娘子故集韻訓娘爲少女北齊書有耳順尙稱娘子之謂

對人自稱女

息女 史記高祖紀呂公曰臣有息女願爲季箕帚妾漢書注云息生也言已所生之女 魏故懷令李君墓誌銘息女孟宜息女媛妾息女仲妃息女休顏息女四輝凡五見此息女之載於碑版者

家妹 顏氏家訓蔡邕書集呼女爲家妹

長女

長女 長子 詩大明長子維行傳長子長女也

大女 列女傳邵陽友娣傳季兒乃告其大女曰汝父

殺吾兄義不可以留又終不復嫁矣去汝而死善視

汝兩弟

適 左昭三年傳齊侯使晏嬰請繼室於晉曰則猶有

先君之適及遺姑姊妹若而人君若不棄敝邑而辱

使董振擇之以備嬪嬙寡人之望也杜注適夫人之

女 案適嫡古通

首女 魏曹植金瓠哀辭序曰予之首女雖未知能言

固已授色而知心矣則首女蓋長女之稱也曹植又

有行女哀辭行女生於季秋而終於前夏三年之中

一子頻喪則行女蓋其次女之稱也

少女

行女 次女 見上注

少女 史記漢文帝紀齊太倉令淳于公有罪當刑無

男少女緹縈上書救父

季女 詩有齊季女又季女斯飢 潘岳京陵公主女

王氏哀辭猗歎公子季女惟王

娣 易歸妹歸妹以娣注少女之稱也

嬰 見上子稱兒注

室女

處子 孟子踰東家牆而摟其處子趙注處子處女也
莊子逍遙遊綽約若處子釋文引司馬云處子在室
女也 潘岳射雉賦來若處子 案此皆指女言然
亦有以稱男子者潛夫論使處子雖苞顏閔之賢又
云此處子所以不能與官人競者也後漢書逸民傳
論處子耿介東哲補亡詩堂堂處子是也

處女 時女 莊子逍遙遊篇是其言也猶時女也釋
文引司馬云時女猶處女也向云時女虛靜柔順和
而不喧未嘗求人而為人所求也

巫兒 漢書地理志今國中民家長女不得嫁名曰巫
兒為家主祀 適人女

之子 詩之子于歸 嫁子 方言女謂之嫁子注嫁子言往適人
方言稱女

媼 方言吳人謂女曰媼釋名云青徐州呼女曰媼媼
忤也女始生人意不喜忤忤然也

珠娘 見上子稱珠兒注 閩小記福州呼女亦曰珠

娘

阿嬌 輟耕錄關中以兒女為阿嬌

奧姑 遼史公主表契丹故俗凡婚燕之禮推女子之

可尊敬者坐之奧謂之奧姑

孫

子姓 儀禮特牲饋食禮子姓兄弟如主人服注云言

子姓者子之所生又禮記喪大記疏子姓謂孫也又

詩周南振振公姓楚語率其子姓從其時享蓋孫謂

之子姓也 禮玉藻注姓生也孫是子之所生故謂

之子姓今有稱子姪輩曰子姓是猶未之考耳

小晚生 見上子稱晚生注

孫息 黃庭堅寄老菴賦寄吾老於孫息 元好問挽

趙參謀詩高門有孫息

孫枝 白居易詩梧桐老去長生枝

文孫 書立政繼自今文子文孫稱文孫本此

了寸 見上子稱了加注

祖稱孫

孫兒 牛僧孺詩歡喜見孫兒 朱子詩老翁無物與

孫兒

小嬌孫 白居易詩慵困無一事時弄小嬌孫

家孫 香祖筆記漢侯霸子孫稱祖父曰家公陳思王

稱父曰家父母曰家母潘尼稱祖曰家祖蔡邕書文

稱姑女曰家姑家姊班固書集曰家孫顏氏家訓姑

姊妹已嫁則以夫氏稱之在室以次第稱之言禮成

他族不得云家也子孫不得稱家者輕略之也此說

與班蔡所稱不同矣

稱人之孫

貴孫 郊溪漫筆孫權稱顧雍曰貴孫

長孫

元孫 漢司隸校尉楊淮碑及其弟弼俱大司隸孟文

之元孫葉九苞金石文補謂長孫也見金石粹編

適孫 承重孫 儀禮喪服期服章適孫賈疏此謂適

子死其適孫承重者祖為之期 穀梁傳尹氏立王

子朝疏繼無承重宜擇立其次 朱子家禮有喪主

注謂死者長子無則長孫承重者專奉飲奠 毛奇

齡曰古無承重之稱惟喪服傳有傳重受重諸字而
 其所謂重則又單指爵位言謂祖父以爵位授之於
 我是傳我以重物也而我從受之是重物為我所受
 也其所付託者雖指爵位而必假之以宗廟之名曰
 主鬯甚重傳受匪輕故謂之重非如今世所云三年
 重服子死未服孫必承而服之也蓋古有承重之稱
 謂其承大宗之重非專指喪服也

庶孫

庶孫 儀禮喪服大功章庶孫賈疏庶孫從父而服祖
 期故祖從子而服孫大功降一等

已孤之孫

愍孫 宋書袁粲傳祖母哀其幼孤名之曰愍孫

哀孫 禮雜記喪稱哀子哀孫

遠孫

曾孫 爾雅孫之子為曾孫 釋名曾孫義如曾祖也

畢沅曰言亦取曾益之意 案曾孫又為自孫以下

之統稱周頌曾孫篤之鄭箋曾由重也自孫以下事

先祖皆稱曾孫孔疏自曾孫以下皆得稱曾左傳曾

孫蒯贖敢昭告皇祖文王烈祖康叔是雖歷多世亦稱曾孫也 豫州從事尹宙碑會稽太守之曾是曾

孫亦可單稱曾也

玄孫 爾雅曾孫之子為玄孫注玄者言親屬微昧也

釋名玄孫玄懸也上懸於高祖最在下也 豫州從

事尹宙碑東平相之玄又劉熊碑光武皇帝之玄皆

以玄孫而單稱玄也 又顏真卿集杭州錢塘縣丞

殷府君夫人碑云君北齊黃門侍郎之推府君之玄

皇朝秦王記室魯府君之曾皆用漢碑之例耳

來孫 爾雅元孫之子為來孫注言有往來之親 釋

名此在無服之玄其意疎遠呼之乃來也

昆孫 爾雅來孫之子為昆孫注昆後也汲冢竹書曰

不窋之昆孫謂毀榆也釋名昆貫也恩義轉遠以禮貫連

之耳 案昆孫又為遠孫之統稱昭十六年傳云孔

張君之昆孫孔張為鄭穆公之曾孫今云昆孫是遠

孫俱得稱昆孫矣

仍孫 爾雅昆孫之子為仍孫 釋名以禮仍有之耳

恩意實遠也 顏羅菴遺集云太玄經九屬逆推而

上一為玄孫二為曾孫三為仍孫四為子則是又以仍孫為孫也

耳孫 爾雅疏仍孫或作耳孫漢書注應劭云言去高

曾益遠但耳聞之也晉灼云耳孫玄孫之曾孫也師

古云仍耳聲相近蓋一號也

雲孫 爾雅仍孫之子為雲孫注言輕遠如浮雲

曾曾小子 說文解字敘注云曾曾猶俗言層層也曾

重也古者裔孫通曰曾孫

孝孫 詩孝孫有慶 禮雜記祭稱孝孫

家孫 顏氏家訓子孫不得稱家者輕略之也班固書

集云家孫今不行也

苗裔 苗 離騷帝高陽之苗裔朱子注云苗者草之

莖葉根所生也裔者衣裾之末衣之餘也故以為遠

末子孫之稱 案左氏昭二十九年傳注玄孫之後

稱苗裔又案苗裔亦有祇稱苗者漢廣漢屬國侯李

翊碑其先出自箕子之苗衛尉衡方碑肇先蓋堯之

苗漢故國二老袁君碑厥先舜苗迨後則多稱苗裔

矣

系孫 舊唐書柳宗元傳宗元後魏侍中濟陰公之系孫

立立孫 隸釋帝堯碑云故濟陰太守劉邵字季承漁

陽泉州人也自以體別枝布堯之裔胄稱立立孫以

敘嘉敬

史韓侂胄既逐趙忠定太學生敖

壁曰九原若遇韓忠獻休說渠家

末代孫

稱謂錄卷七

福州梁章鉅撰

男恭辰校刊

夫之父母總稱

舅姑 儀禮期服章婦為舅姑

尊章 夫姑章 / 姑嫜 漢書廣川王傳背尊章師古曰

尊章猶言舅姑韓愈扶風郡夫人墓誌銘協於尊章

案章或作嫜亦作姑嫜 陳琳詩善侍新姑嫜

杜甫詩妾身未分明何以拜姑嫜 蘇轍詩上事姑

嫜旁兄弟嫜章同

家老 淮南子家老異飯而食殊器而享子婦跪而上堂跪而斟酒是子婦對舅姑言為家老

公婆 字典方俗稱舅姑曰公婆廣西徭俗則男子老者一寨呼之曰婆其老婦呼之曰公

夫之父

舅 爾雅婦稱夫之父曰舅邢疏舅者舊也 白虎通

尊如父而非父者舅也

君舅 爾雅舅姑在則曰君舅君姑沒則曰先舅先姑君 列女傳我無樊衛二姬之行故君以責我 案此

婦人稱其舅曰君

若公 淮南子汜論訓宋人有嫁子者告其子曰嫁未必成也有如出不可不私藏私藏而富其於以復嫁易其子聽父之計竊而藏之若公知其盜也逐而去之 案韓非子與此文略同惟若公作君公

公 姑 劉熙釋名俗謂舅曰章又曰姑一切經音義引作俗謂舅章為公 顏師古漢書注關中呼夫之

父曰姑 呂覽姑姑知之曰為我婦而有外心注姑即翁也音鍾 案公姑古通用

丈人公 家訓書證篇古樂府歌辭先及三子次及三
 婦婦是對舅姑之稱其末章云丈人且安坐調絃俱
 未央古者子婦供事舅姑旦夕在側與兒女無異故
 有此言又疑丈當為大云云 海錄碎事婦呼舅為
 大人公

官 馬令南唐書翁媪怒曰自家官自家家何用多拜
 耶注云浙謂舅為官謂姑為家 野客叢書吳人稱
 翁曰官稱姑曰家

鍾 漢書廣川惠王越傳背尊章嫖以忽注今關中俗
 婦呼舅為鍾鍾者章聲之轉也

夫之父沒

皇舅 儀禮士昏禮舅姑既沒婦人三月奠菜祝辭曰
 敢奠嘉菜於皇舅某子敢告於皇姑某氏鄭注皇君
 也 案此即爾雅之君舅君姑既沒而變其文耳
 先舅 見上君舅注
 先子 國語魯語吾聞諸先姑又聞之先子 案先子
 指先舅季悼子也

夫之母

姑 爾雅婦稱夫之母曰姑邢疏姑者故也 白虎通

親如母而非母者姑也

君姑 見上君舅注

威姑 爾雅疏姑又謂之威 說文威姑也徐鍇曰土

盛於戊土陰之主也故字從戊漢律婦告威姑是也

爾雅姑謂之威王念孫疏證曰威姑即爾雅所謂君

姑也君與威古聲相近說文君从艸君聲讀若威是

其例也 字典婦稱姑為威姑猶子稱父為嚴君也

嚴姑 白居易詩六郡事嚴姑

慈姑 謝莊文慈姑兮垂矜

阿姑 顏氏家訓婦人之性率寵子壻而虐兒婦諺云

落索阿姑食此其相報也

阿家 北史齊文宣以姪女樂安公主妻崔達孛嘗問

公主達孛於汝云何答云甚相敬惟阿家憎兒文宣

乃殺其母又南史范蔚宗臨刑其妻罵之曰君不為

百歲阿家作計蔚宗母泣責蔚宗仍以手擊其頸蔚

宗妻曰罪人阿家莫念

大家 因話錄商部崔吏部樞夫人太尉西平王女也

西平生日中堂大宴方食有小婢附崔氏婦耳語久之崔氏婦頷之而去有頃復至玉問曰何事女對曰大家昨夜小不安適使人往候王擲筯怒曰我不幸有此女大奇事汝為人婦豈有大家體候不安不檢校湯藥而與父作生日

家 見夫之父稱官注

夫之母沒

皇姑 禮記曾子閔不祔于皇姑又見皇舅注

先姑 晉姜肱銘余惟嗣朕先姑 國語吾聞諸先姑

又見上先舅注

先姑氏 韓愈監察御史元君妻京兆韋氏夫人墓誌

銘及得其良夫又受教於先姑氏

夫之繼母

繼姑 漢李翊夫人碑繼姑入室勤養拳拳見碑版廣

例

夫之庶母

少姑 爾雅夫之庶母為少姑

夫之兄

兄公天妘爾雅夫之兄為兄公郭注今俗呼兄鍾語

之轉耳案兄公之公陸德明釋文作妘宋本作公

據禮記孔疏云俗本女旁置公轉誤也又引皇侃云

婦人謂夫之兄為公者須公平尊稱也集韻妘音鍾

夫之兄也蓋據釋文言之

兄章天兄公釋名夫之兄俗閒曰兄章章灼也灼灼

敬奉之也又曰兄公是已所敬忌見之怔忡自肅齊

也案公亦即妘字之異文耳怔忡一切經音義引

作忡遽又引作忡懼亦與此文異義同

兄嫜韻會夫之兄曰夫嫜此嫜字多一女旁兩存之

以備參考或作倬

伯五代史補李濤弟澣娶婦竇氏出參濤濤答拜澣

曰新婦參阿伯豈有答禮容齋隨筆陳恭公以曾

公亮除天章閣待制陳之弟婦曾出也陳語之曰六

新婦曾三做從官想甚喜應聲對曰三舅荷伯伯提

攜極喜案婦稱夫兄為伯不見於經典然以爾雅

稱夫弟為叔例之則夫兄亦可為伯耳

兄伯頻羅菴遺集云容齋三筆中有一則云容齋使

金辟景孫弟輔行弟婦在家作青詞云頃因兄伯出使夫壻從行蓋借用陳平傳兄伯之語而自不以爲然改用爾雅兄公云云然二字既經宋人造語亦可以備一典

夫之兄妻

姆姆 呂祖謙紫薇雜記呂氏母母受嬪房婢拜嬪見母母房婢拜卽答今俗兄婦呼弟妻爲嬪嬪弟婦呼兄妻爲姆姆卽母母也

夫之弟

叔 小叔 爾雅夫之弟爲叔 釋名叔少也幼者稱也叔亦俶也見嫂俶然卻步也 史記蘇秦見季子位高金多譙周曰蘇秦字季子索隱云案其嫂呼小叔爲季耳未必卽其字

長叔 左昭乙十八年傳伯石始生子容之母走謁諸姑曰長叔姒生男孔疏子容是伯華之子其兄弟伯華最長叔向次之其餘諸弟皆小於叔向也故謂叔向爲長叔

小郎 晉書謝道韞爲小郎解圍又王衍妻郭氏謂王

澄曰昔先人臨終以小郎屬新婦不以新婦屬小郎

叔郎 文選任昉奏彈劉整謹案齊故內史劉寅妻訴

列稱出適劉氏二十許年劉氏喪亡撫養孤弱叔郎

整恆欲傷害侵奪 案海錄碎事引任彥升彈文叔

郎小郎也

夫之弟妻

孀孀 見兄妻稱姆姆注

夫之姊

女公 爾雅夫之姊為女公

女妘 禮記昏義疏女妘謂壻之姊也 案妘即公之

俗字

夫之妹

女妹 爾雅夫之女弟為女妹注今謂之女妹是也錢

大昕曰女妹恐是女叔之誤若經本作女妹則爾雅

注云云無謂臧鏞曰夫之兄為公故其姊為女公弟

為叔故其妹為女叔梁玉繩曰夫之妹稱女妹亦稱

女叔不可謂誤 案漢書薛宣傳女敬武公主怒元

后曰嫂何與取妹後漢書曹大家女誠屢言叔妹嫂

妹女妹豈得並指為誤文耶後漢書列女傳昭女妹曹豐生注昭壻之妹也

女叔 禮記昏義疏女叔謂壻之妹也 表異錄小姑

曰女姁亦曰女叔

妹 說文妹夫之女弟也徐鍇曰曹大家女誠所謂媵

妹也

叔妹 後漢書曹世叔妻傳婦人之得意於夫主由舅

姑之愛已也舅姑之愛已由叔妹之譽已也

小姑 王建新嫁娘詩未諳姑食性先遣小姑嘗 古

樂府焦仲卿妻詞云卻與小姑別淚落連珠子 顧

况棄婦詞回頭語小姑莫嫁如兄夫 案婦謂夫之

妹曰小姑

夫之姊妹之夫

姑夫 因話錄商部范陽盧仲元妻崔氏兄得金一瓶

密埋室內臨終戒其妻李氏云慎勿言於人他日盧

郎中來可告也未幾盧經洛中弔崔氏之孤訖李使

婢傳語曰新婦有哀迫之事須面見姑夫

妻之父

外舅 爾雅妻之父為外舅 釋名言妻從外來謂至

已家為婦故反以此義稱之夫妻匹敵之義也

孟子帝館甥於貳室注禮謂妻父曰外舅 案汪氏

堯峰曰男子謂妻父曰外舅母曰外姑蓋彼以我父

為舅我亦從而舅之懼其同於母黨也故別曰外舅

彼以我母為姑我亦從而姑之懼其同於父黨也故

別曰外姑

舅 禮記坊記婿親迎見於舅姑鄭注舅姑妻之父母

也 一三國蜀志先主傳獻帝舅車騎將軍董承裴松

之注董承於獻帝為丈人也古無丈人之名故謂之

舅

妻父 宋史張詠傳有民家子與姊婿訟家財婿曰妻

父臨終此子三歲有遺書令異日以十之三與子餘

七與婿詠曰汝妻父智人也以子幼故託汝亟命以

其七貽子餘三貽婿人服其明斷

婦父 世說太傅謝安王國寶婦父也

婦公 後漢書第五倫傳光武戲謂倫曰聞卿為吏笏

婦公有之耶倫對曰臣三娶妻皆無父 晉書衛玠

傳玠妻父樂廣有海內重名議者以爲婦公冰清女

婿玉潤

婦翁 魏志太祖紀伯玉三娶孤女謂之搗婦翁

丈人 唐書杜黃裳之婿韋執誼爲相黃裳勸其請太

子監國執誼曰丈人甫得一官奈何啟口議禁中事

柳宗元與楊京兆憑書云再拜獻書丈人座前又祭

楊憑詹事文云昭祭於丈人之靈

岳丈 陔餘叢考婦翁曰岳丈其說不一或曰晉樂廣

爲衛玠妻父岳丈蓋樂丈之訛釋常談則曰因泰山

有丈人峰故也 案泰山有丈人峰而玉置經青城

山黃帝亦封爲五岳丈人世俗以婦翁有丈人之稱

而丈人又有山岳之典遂引以爲美稱耳晁氏客語

引開元十三年封禪泰山三公以下例遷一階張說

爲封禪使其婿鄭鑑自九品驟至五品會大宴明皇

訝之黃幡綽曰泰山之力也因此以丈人爲泰山然

則唐時已有泰山及岳丈之稱矣又黃潛筆記謂漢

郊祀志大山川有嶽山小山川有嶽婿山嶽而有婿

則嶽可以稱婦翁矣世俗之稱未必不因此又因山

嶽而轉為泰山耳

父娒 方言南楚瀑涯之間稱父考曰父娒 廣雅妻

之父謂之父娒注娒音多

外父 潛居錄馮布贅於孫氏其外父有煩惱事輒曰

俾布代之

冰叟 蘇軾次王郎韻慶生日詩竭從冰叟來游宦

冰翁 游宦紀聞又二里有亭曰輔龍乃先兄之冰翁

董煇字季興所創向為瑞安邑大夫 案煇字乃煇

字之誤葉水心集及郡邑志皆作煇又見卷六亦云

先兄岳翁

婚 爾雅婿之父為姻婦之父為婚

妻之母

外姑 爾雅妻之母為外姑 李商隱有為外姑隴西

郡君祭張氏女文

姑 禮坊記見上妻之父稱舅注

母娒 方言南楚瀑涯之間謂父妣曰母娒 廣雅妻

之母謂之母娒王念孫曰說文江淮之間謂母為媪

媪與娒聲義相通

岳母 漫笑錄毘陵有成郎貌不揚岳母陋之曰我女
如生菩薩乃嫁一麻胡命成作詩乃操筆大書云一
麻兩好世間無好女如何得好夫高捲珠簾明點燭
試教菩薩看麻胡

丈母 猗覺寮雜記今專稱外姑曰丈母柳子厚有祭
楊詹事丈人獨孤氏丈母文則知唐已如此 六硯
齋二筆趙子昂有與管公札云上覆丈人節幹丈母
縣君 恆言錄顏氏家訓云中外丈人之婦猥俗呼
爲丈母士大夫謂之王母謝母是凡丈人行之婦並

稱丈母也通鑑韓滉謂劉元佐曰丈母垂白不可更
帥諸婦女往填宮也注幌與元佐結爲兄弟視其父
爲丈人行故呼其母爲丈母也今則惟以妻母爲丈
母矣

秦水 合璧事類俗呼妻母爲泰山此何義耶 案此
卽因妻父之爲泰山而推之知此稱宋時已然耳
妻之伯叔

列嶽 合璧事類青城山爲五嶽之長今名丈人山今
世俗呼人婦翁爲合嶽妻之伯叔爲列嶽

叔丈人 任淵黃山谷詩注王慶源為東坡叔丈人

妻之兄弟

舅 新唐詩朱延壽傳楊行密妻延壽姊也行密曰得

舅代我無憂矣

通鑑二百六十卷作三舅

五代史四夷附錄

蕭翰之妹嫁德光契丹呼翰為國舅 元史忠義傳

桂完澤與其妻弟金德為賊所執完澤呼曰金舅男

子漢即死不可聽賊 恆言錄云案釋親姊妹之夫

為甥妻之兄弟為甥謂我舅者吾謂之甥既互稱甥

亦可互稱舅矣乃後世妻之兄弟獨得舅名蓋從其

子女之稱遂相沿不覺耳晉人每稱婿為郎世俗因

有郎舅之語諺云至親莫如郎舅

內兄 杜牧詩應笑內兄年六十 梁書韋叡傳叡內

兄王澄

內弟 家廟碑祖昭甫工書與內弟殷仲容齊名謂妻之弟

弟 唐殷府君夫人碑內弟曜卿允南

婦兄 北齊書崔昂傳婦兄妹夫俱省罪過

婦弟 世說注和嶠婦弟王濟 北齊書鄭元禮傳但

知妹夫疏於婦弟

妻兄史記孔子世家子路妻兄顏濁鄒案即左傳之

顏涿聚事見哀公二十四年

親客 避暑漫鈔秦會之有十客王會以婦弟為親客

甥 外甥 爾雅妻之昆弟為甥 釋名釋親屬妻之

兄弟曰外甥其姊妹女也來歸已內為妻故其男為

異姓之甥

婚兄弟 爾雅婦之黨為婚兄弟

私親兄弟 禮記內則婦若有私親兄弟

妻之兄弟之妻

妻嫂 南史張敬兒徵為護軍於密室屏人學揖讓答

對空中俯仰妾侍竊窺笑焉將拜三司謂其妻嫂曰

我拜後府開黃閣因口自為鼓吹聲 案近通稱曰

舅嫂

妻之兄弟之子女

姪 爾雅妻黨女子謂舅弟之子為姪鄭樵注左傳曰

姪其從姑今男子謂舅弟之子亦然據古人謂兄弟

之子其男子為子其女子為姪故姪之字從女此本

義也後人訛則通謂姪 禮曲禮下大夫不名世臣

姪娣疏姪是妻之兄女 國語周語則我皇妣太姜

之姪注女子謂兄弟之子男女皆曰姪 案字典妻

之兄弟之子妻稱之亦曰姪今所謂內姪也據此則

內姪之稱亦從俗也如內姑丈內表弟之類

舅子 北史外戚傳開皇初濟南郡上有男子呂永吉

自稱有姑字苦桃嫁為楊某妻勘驗知是舅子

媵者 儀禮士昏禮媵御餽姑酌之疏古者嫁女必姪

娣從謂之媵者又雖無娣媵先注娣尊姪卑若或無

娣猶先媵客之也 案姪乃妻兄弟之女娣即其妹

也

妻之兄弟之孫

歸孫 爾雅謂姪之子為歸孫 儀禮喪服父之姑鄭

注歸孫為祖父之姊妹服也

妻之姊妹

姨 爾雅妻之姊妹同出為姨郭注同出謂俱已嫁詩

邢侯之姨又左傳莊十年蔡哀侯娶於陳息侯亦娶

焉息媯過蔡蔡侯曰吾姨也止而享之又說文妻之

女弟同出為姨

娣 釋名妻之姊妹為娣娣弟也言與已妻相長弟也

詩韓弈諸娣從之釋文妻之女弟為娣

妻妹 魏志桓階傳劉表辟階為從事祭酒欲妻以妻

妹蔡氏階自陳已結婚拒而不受

內妹 三國魏志夏侯淵傳淵妻太祖內妹

姨妹 劉義慶世說孫秀降晉武帝妻以姨妹 因話

錄商部伯父高陵府君夫人韋氏即兵部之姨妹也

兵部指兵部員外郎李約

妻之姊妹之夫

亞 爾雅兩婿相謂為亞注詩曰瑱瑱姻亞 釋名婿

相謂為亞者言每一人取姊一人取妹相亞次也又

並來女氏門則姊夫在前妹夫在後亦相亞而相倚

共成其禮也

友婿 漢書嚴助傳家貧為友婿富人所辱師古曰友

婿同門之婿也 釋名釋親屬曰友婿者言相親友

也

僚婿 爾雅注今江東人呼同門為僚婿

大姨夫 小姨夫 合璧事類歐陽修與王拱辰同為

薛簡肅公婿文忠先取其長女王取其次後文忠再取其妹故有舊女婿為新女婿大姨夫作小姨夫之句

連袂

連袂

連襟

馬永卿嬾真子江東人呼為僚

婿北人呼連袂又呼連袂袂袷同亦呼連襟 容齋

三筆從兄在泉幕淮東使者其友婿也發京狀薦之

為作謝啟云襟袂相連夙愧末親之孤陋雲泥懸望

分無通貴之哀憐皆用杜詩上句乃用李十五丈云

孤陋忝親末等級堪比肩人生意氣合相與襟袂連

此事適著題而與前送韋書記詩句偶可整齊用之

是宋人已有此稱也 能改齋漫錄李參政昌齡家

一女多得貴婿參政范公仲淹樞副鄭公戩皆用小官

布衣選配為連袂

妻之兄弟之女之夫

上下同門 因話錄商部姑之婿與姪之婿謂之上下

同門

妻之姊妹之子

妻孫 梁書裴邃傳其妻甥王篆之密啟高祖云裴邃

多大言有不臣之節由是左遷始安太守汪師韓曰
妻甥者妻姊妹之子也


妾之兄弟

私兄弟 儀禮喪服記凡妾為私兄弟如邦人鄭注私
兄弟曰其族親也敖氏曰經正言妾之服其私親者
惟有為父母一條又案惟諸侯夫人天皇后則不為
兄弟服耳天子諸侯之妾亦未必為兄弟服

小妻弟 小婦弟 漢書谷永傳注如淳曰王鳳上小

妻弟以納后宮以嘗字乳王章言之坐死 蜀志馬

超傳初超未反時其小婦弟种留三輔





稱謂錄卷八

福州梁章鉅撰

男恭辰校刊

姊

姊 爾雅男子謂女子先生為姊 白虎通姊者咨也

徐鍇云以其先生言可咨問 釋名姊積也猶日始

出積時多而明也 案姊俗作姐字典今俗弟呼女

兄為姐頻羅菴遺集云今人呼少女曰姐繁欽與魏

文帝牋自左驥史納蹇姐名倡入文始此東坡有趙

成伯席上贈所出妓川人楊姐然則今人皆以姐稱

女兄亦可怪矣

姊妹司空圖鐙花詩姊妹教人且抱入遂他女伴卸

頭遲

老姊 晉書郭奕傳奕有寡姊隨奕之官姊下僮僕多

有姦犯而為人所糾奕省案畢曰大丈夫豈當以老

姊求名遂遣而不問

賢姊 陸士龍答車茂安書賢姊上下當為喜慶

貴姊 西京雜記趙飛燕女弟在昭陽殿遺飛燕書曰

貴姊懋膺洪册

阿姊 木蘭詩阿姊聞妹來當戶理紅妝 李賀謝秀

才妾詩月明啼阿姊 李商隱嬌兒詩階前逢阿姊

姊姐 劉基聽蛙詩村童叫噪聾學究悍婦勃谿喧姊

姐

女兒 說文姊女兒也 史通史記世家云趙鞅諸子

無郵最賢然偽會鄰國進計行戕俾同氣女兒摩笄

引決焉得謂之賢哉 山堂肆考宋司馬光五六歲

弄胡桃女兒為脫其皮 黃庭堅詩稍慧女兒誇

孀 字典姊謂之孀 廣韻兒氏切集韻忍氏切並音

余

對人自稱其姊

家姊 北史高道穆為京邑魏帝姊壽陽公主不避道

道穆令卒棒破其車帝他日見道穆曰家姊行路相

犯深以為愧 列女傳袁次陽取馬季長女問曰賢

姊未嫁而卿先行有何汲汲答曰家姊有宋伯姬之

風家君庶堯之配舜世乏此賢故其躊躇

長姊

伯姊 詩遂及伯姊傳先生曰姊

次姊

中姊 後漢書章德竇皇后傳梁貴人年十六以建初

二年與中姊俱選入掖庭為貴人

小姊 三國志龐統傳龐德公之子字山民娶孔明小

姊一作

姊妹在室

處姊 後漢書列女傳袁隗妻馬融之女也初成禮隗

問曰弟先兄舉世以為笑今處姊未適先行可乎對

曰妾姊高行殊邈未遭良匹不似鄙薄苟然而已

曰姊沒高音未數音四不以漏音然而曰

亡姊見祖條

方言稱姊

娵離騷女娵之嬋媛註女娵屈平姊案說文楚謂

姊為娵

夔廣韻夔齊人呼姊也

娟孟博雅姊也方言廣雅並作娟孟

孟方言廣雅孟姊也案左傳惠公元妃孟子孔疏

妾子長於妻子則稱孟是古以孟稱其長女也其後

合乃以之稱姊合

大字彙補有妣字注姊稱也沈亦然寄傲軒隨筆

小云湖州人呼姊為大而仍連行第長曰大大二曰二

大三大曰三大嘗怪其鄙陋無義而不知其所由來也

邦見兄稱邦注

妹爾雅後生為妹白虎通妹者末也釋名妹昧

也莊子釋文引作未也猶日始入歷時少尙昧也

女弟說文妹女弟也史記佞幸傳延平女弟善舞

丈上見心悅之應劭風俗通義鬼物持其女弟

娣 穀梁隱二年傳注伯姬之娣 釋文女弟曰娣女

子同生謂後生為娣於男則言妹也

季妹 北魏司馬景和妻誌銘 陳郡府君之季妹見

碑版廣例

幼妹 白居易詩復有雙幼妹笄年未結縭

小妹 王維詩小妹日成長兄弟未有娶

稱人之妹

令妹 左思贈妹詩峩峩令妹應期誕生 案此自稱

其妹也今皆以此稱人

方言稱妹

媼 說文楚人謂女弟曰媼 公羊桓二年傳若楚王

之妻媼何休注媼妹也 唐書宗室傳同安公主高

祖同母媼也

同祖姊妹

從父姊妹 儀禮喪服小功章從父姊妹注父之昆弟

之女 案此條題目宜改為同祖姊妹與同祖兄弟

體例一律

從妹 左莊八年傳連稱有從妹在公宮 南史錢道

戢傳陳武帝微時以從妹妻焉

同會祖姊妹

從祖姊妹 儀禮喪服緦麻三月章從祖姑姊妹適人

者 案爾雅有父之從祖姊妹所稱從祖姊妹即同

會祖姊妹也

同母異父姊妹

外妹 左成十一年傳聲伯嫁其外妹於施孝叔 案

此蓋同母異父之妹也由此推之當亦有外姊之稱

姊之夫

甥 爾雅姊妹之夫為甥

私 爾雅女子謂姊妹之夫為私 詩譚公惟私孔疏

謂吾姨者我謂之私 釋名姊妹互相謂夫曰私言

於其夫兄弟之中此人與已姊妹有恩私也

姊夫 釋名兩婿相謂為亞並來女氏則姊夫在前妹

夫在後亦相亞也 漢書霍光傳延見姊夫昌邑關

內侯三國魏志引諸公贊云甄憲為人貞素加以世

祖姊夫是以遂貴當世 蜀志來敏傳敏隨姊夫奔

荆州 吳志呂蒙傳依姊夫鄧當

姊婿 後漢書耿秉傳天子姊婿 晉書荀顗傳幼為

姊婿陳羣所賞

妹之夫

妹夫 漢書王子侯表陸侯延壽坐知女妹夫亡命笞

二百 三國志孫奐傳壹之妹夫也 晉書裴憲傳

東海王越盾妹夫也

妹丈 謝承後漢書胡母班王匡之妹丈

妹婿 三輔決錄云趙岐取馬續女宗姜為妻續兄子

融岐曰妹婿之故屈志於融 白居易詩覓得黔婁

為妹婿可能空寄蜀茶來

媚婿 唐書李密傳依媚婿雍邱令邱君明媚婿即妹

婿也

從妹夫 三國魏志武帝紀引魏書曰太祖從妹夫滌

疆侯宋奇被誅

姊妹之子

出 爾雅男子謂姊妹之子為出 左傳莊二十二年

陳厲公蔡出也文十四年齊出矍且長成十三年康

公我之自出襄二十五年蔡人欲立其出昭四年徐子吳出也杜注姊妹出嫁而生子公羊定八年傳云臨南者陽虎之出也

姪 爾雅女子謂姊妹之子為姪

甥 儀禮喪服總麻三月章甥鄭注姊妹之子 爾雅

謂我舅者吾謂之甥 釋名舅謂姊妹之子為甥甥

生也出配他男而生故其制字男旁作生也

宅相 晉魏舒少孤為外家甯氏所養甯氏起宅相者

曰當出貴甥舒曰為外家成此宅相 北史李繪貌

端偉第五舅河閒邢宴每與言歎其高遠曰若披雲

霧如對珠玉宅相之寄良在此甥後世遂以宅相稱

甥

名甥 李商隱詩乞墜有名甥

賢甥 王維詩似舅即賢舅

外甥 杜甫詩劉牢出外甥 元稹詩牽車小外甥

案困學紀聞載車永茂安外甥石季甫見使為鄆令

小則晉人已有外甥之稱杜甫詩非其始也茂安與陸

士龍書云老人及姊自聞此問不能復食季甫為茂

安之姊子也 南史王延之與阮韜俱劉湛外甥

外生 世說王子敬兄弟見郗公躡履問訊甚修外生

禮又云桓豹奴是王丹陽外生形似其舅 衛玠別

傳王濟玠之舅嘗語人曰昨日吾與外生共坐若明

珠之在側朗然來照人

養甥 宇文適庾信集序以陸機之愛弟若韓康之養

甥

姊子 史記黯字長孺司馬安是其姊子 漢書顏安

字公孫眭孟姊子也

從甥 晉書郭奕傳時鍾會反於蜀荀勗即會之從甥

姊妹之子

外甥女 柳宗元有祭崔氏外甥及崔氏外甥女文

姊妹之孫

離孫 爾雅謂出之子為離孫 釋名出之子曰離孫

言違離已也

從孫甥 左哀二十五年傳太叔疾之從孫甥也杜注

姊妹之孫為從孫甥與孫同列

彌甥 左哀二十三年傳宋景曹卒季康子使冉有吊

且會葬日以肥之得備彌甥注彌遠也父之舅氏故稱彌甥 案女子亦備此條

甥孫 韓愈唐故江西觀察使韋公墓誌銘公既孤以甥孫從太師魯公重卿學

高祖之姊妹

高祖王姑 爾雅高祖王父之姊妹為高祖王姑

曾祖之姊妹

曾祖王姑 爾雅曾祖王父之姊妹為曾祖王姑

曾老姑 杜甫送重表姪王砮詩我之曾老姑爾之高

祖母 老一作祖

高祖之姊妹之曾孫 高祖母之兄弟姊妹之曾

孫 曾祖之姊妹之孫 曾祖母之兄弟姊妹之

孫

重表伯叔 案杜詩云我之曾老姑爾之高祖母則王

砮乃其曾祖之姊妹之元孫也與祖之姊妹之曾孫

及父之姊妹之孫其稱謂自當有別故加一重字而

稱之曰重表姪由此以推我謂之重表姪者彼亦謂

我為重表伯叔則杜甫為王砮高祖母之兄弟之曾

孫亦當稱杜甫為重表伯叔也由此知高曾以來之中表親皆當稱曰重表則由高祖母之兄弟之曾孫而推之凡高祖之姊妹之曾孫高祖母之姊妹之曾孫與曾祖之姊妹之孫曾祖母之兄弟姊妹之孫皆當稱之曰重表伯叔矣由曾祖之姊妹之元孫而推之凡曾祖母之兄弟姊妹之元孫與高祖之姊妹之來孫高祖母之兄弟姊妹之來孫皆當稱之曰重表姪矣抑且知高祖之姊妹之元孫高祖母之兄弟姊妹之元孫與曾祖之姊妹之曾孫曾祖母之兄弟姊妹之曾孫亦皆必稱之曰重表兄弟而與表兄弟有別

高祖之姊妹之來孫 高祖母之兄弟姊妹之來

孫 曾祖之姊妹之元孫 曾祖母之兄弟姊妹

之元孫

重表姪 見上

高祖之姊妹之元孫 高祖母之兄弟姊妹之元

孫 曾祖之姊妹之曾孫 曾祖母之兄弟姊妹

之曾孫

重表兄弟 見上

祖之姊妹

王姑 爾雅王父之姊妹為王姑 太玄經利於王姑

不利公家

諸祖姑 集異記韋侍御華山遇老翁引見諸祖姑及

阿婆等見路史發揮卷第六

祖之姊妹之子 祖母之兄弟姊妹之子

中外丈人 家訓書證篇有中外丈人之稱案中猶

言中表也

表丈人 太平廣記述崔圓事云表伯父曰表丈人

外伯父 李綱撰黃伯思墓誌銘有此稱見東觀餘論

後

祖之姊妹之子婦 祖母之兄弟姊妹之子婦

丈母 王母 謝母 家訓風操篇中外丈人之婦猥

俗呼為丈母士大夫謂之王母謝母云而陸機集有

與長沙顧母書乃其從叔母也今所不行

祖之姊妹之孫 祖母之兄弟姊妹之孫

從表兄弟 朱子祭劉其父文自稱從表弟 案宋史

稱謂錄

卷八

七

劉銜本傳銜字共父為劉子羽長子而朱子為徽猷閣待制劉子羽撰神道碑自稱從表姪則子羽必非朱子父姊妹之夫子共父亦必非朱子父姊妹之子矣又朱子年譜朱子母祝孺人為歙州祝處士確之女而共父姓劉則共父亦必非朱子母兄弟之子矣據杜詩重表姪乃其曾祖之姊妹之元孫則朱子自稱從表弟從表弟亦當與僅稱表字者有別殆自祖以來之中表親也蓋祖之姊妹之孫及祖母之兄弟姊妹之孫稱之曰從表兄弟正與同祖兄弟謂之從

父昆弟同祖姊妹謂之從父姊妹同一義例然則自稱從表姪者亦必其祖之姊妹之曾孫或祖母之兄弟姊妹之曾孫也唐李衛公有與某侍郎帖自稱從表兄宋史文同傳云蘇軾同之從表弟也亦當與朱子之稱從表弟一例觀

祖之姊妹之曾孫 祖母之兄弟姊妹之曾孫

從表姪 注見上又朱子祭汪尚書文亦自稱從表姪

父之姊妹

姑 儀禮喪服大功章姪丈夫婦人報傳謂我姑者吾

謂之姪 爾雅父之姊妹爲姑 左僖十五年傳姪
其從姑 汪琬曰凡父黨之尊者由父推之皆父之
屬世父叔父是也至父之姊妹則不可謂之父不可
謂之父其可謂之母乎二者皆不可以名故聖人更
名曰姑

姑姊妹 儀禮喪服大功章姑姊妹女子子適人者公
牟莊三年傳請後五廟以存姑姊妹注謂父之姊妹
也

姑姊 左襄二十一年傳季武子以公姑姊妻之疏引
劉炫規過云古人謂姑爲姑姊妹此姑姊襄公父之
姊 列女傳齊攻魯見一婦攜一兒抱一兒而逃軍
且及之棄其所抱抱其所攜而走於山兒隨而啼婦
人不顧齊將追及問抱者誰棄者誰對曰所抱者兄
之子所棄者己子也力不能兩存故忍棄子於是齊
將按兵而止曰魯未可伐也婦人猶行義况朝臣士
大夫乎魯君聞之賞婦人束帛百端號曰義姑姊
姑姊 左襄十二年孔疏父之姊爲姑姊父之妹爲姑
妹列女傳梁有節姑姊入火而救兄子是謂父妹爲

姊妹也又襄二十一年釋文或曰列女傳稱梁有節
姊妹謂父之妹也 案今檢列女傳各原本文皆作
梁節姑姊其傳云梁節姑姊者梁之婦人也因失火
兄子與已子在內欲取兄子輒得其子獨不得兄子
火盛不得復入婦人將自趨火武梁祠畫象亦作姊
近人汪遠孫妻梁氏端校云傳言兄子妹字是

女伯 女叔 見六典

伯姑 呂本中寄材仲弟詩伯姑無恙時令我與子友
諸姑 詩問我諸姑

老姑 李商隱有祭韓氏老姑文

仁姑 潘岳南陽長公主誄國之仁姑

內賓 儀禮主人洗獻內賓於房中注內賓姑姊妹也

丈人 風操篇吾嘗問周宏謙曰父母中外姊妹何以
稱之周曰亦呼爲丈人自古未見丈人之稱施於婦
人也吾親表所行若父屬者爲某姓姑母屬者爲某
姓姨

對人自稱其父之姊妹

家姑 風操篇凡言姑姊妹女子子已嫁則以夫氏稱

之在室則以次第稱之言禮成他族不得云家也蔡邕書集呼其姑女為家姑家姊

父之姊妹沒

亡姑 見祖條

方言稱父之姊妹

漢了彌 雞林類事方言姑曰漢了彌

父之從父姊妹

從祖姑 爾雅父之從父姊妹為從祖姑

從姑 世說皇甫謐有從姑子梁柳為城陽太守

父之從祖姊妹

族祖姑 爾雅父之從祖姊妹為族祖姑

父姊妹之夫

姑壻 北齊書高隆之傳本姓徐氏為姑壻高氏所養

因從其姓

姑夫 三國蜀志李恢傳姑夫爨習為建伶令 南史

范雲傳六歲就其姑夫袁叔明讀毛詩 五代史石

敬塘入篡時皇后云姑夫 述異記河間郡有聖姑

祠鄉人置東海公像於聖姑祠側呼為姑夫

方言稱父之姊妹之夫

孛賴 真臘國呼姑夫為孛賴

父之姊妹之子

甥 爾雅姑之子為甥

外兄弟 儀禮喪服總麻三月章姑之子注外兄弟也

疏姑是內人以出外而生故曰外兄弟 後漢書來

歛傳君叔雖單車遠使而陛下之外兄也注光武之

姑子故曰外兄也 晉書皇甫謐傳姑之外弟梁柳

從內兄 文選傅長虞贈何劭王濟詩序云朗陵公何

敬祖咸之從內兄謂姑之子國學祭酒王武子咸從

姑之外孫也

中表 表兄 表弟 並見母之兄弟之子注

父之姊妹之女

外宗 禮記喪大記外命婦率外宗哭於堂上北面注

外宗姑姊妹之女

父之姊妹之孫

表姪 見母之兄弟姊妹之孫注

子之妻

婦 爾雅子之妻為婦 春秋逆婦於齊注稱婦有姑

之辭又見上舅姑門

來婦 禮記三月而廟見稱來婦也疏舅姑亡者婦人

三月之後於廟中以禮見於舅姑其祝辭告神稱來

婦 儀禮士昏禮婦執筭菜祝帥婦以入祝告稱婦

之姓曰某氏來婦

主婦 禮記曾子問宗子雖七十無無主婦非宗子雖

無主婦可也

媳 字彙俗謂子婦曰媳 劉跂學易集有穆府君墓

誌云女嫁唐誦我姑之媳 頻羅菴遺集云偶見宋

拓東坡帖作媵婦查字書不載此字不知何本慶元

六年龔大雅義井題記亦有媳帑之稱

媳婦 元史裕宗徽仁裕聖皇后傳后性孝謹善事中

宮世祖每稱之為賢德媳婦

方言稱子之妻

心抱 小知錄廣州謂新婦曰心抱

長子之妻

冢婦 禮記內則介婦請於 婦註介婦即眾婦也

庶子之妻

介婦 禮記內則介婦雖有勤勞無敢掉磬方言齊人相絞訐謂之掉磬又見家婦注

子之女

女孫 儀禮喪服小功章孫適人者注孫者子之子女孫在室亦大功也 漢書張安世傳其女孫敬為霍

氏外屬婦當相坐 案儀禮喪服大功章庶孫賈疏女孫在室與男孫同

孫 韓愈清邊郡王楊燕奇碑夫人清夷郡太守祐之

孫漁陽郡長史獻之女 案儀禮經文單稱孫字之

注疏乃以女孫釋之則金石文字自當單稱孫字為正

子之婿

孫壻 益公題跋右馮文簡公與其孫壻朱文靖公書

韓愈祭李氏二十九娘子文樊汝霖注云公之姪孫女也其李妻歟公嘗誌於墓曰李于余兄孫壻也

孫之妻

孫婦 儀禮喪服期服章適孫傳曰何以期也不敢降

其適也有適子者無適孫孫婦亦如之

孫之女

曾孫女 儀禮記疏案曰若卑屬功總之服曾孫女成

人在室當亦同

女之夫

婿 儀禮喪服總麻三月章婿鄭注女子子之夫也爾

雅女子子之夫為婿 左傳文八年晉侯使解揚歸

匡戚之田於衛且復致公婿池之封注公婿池晉公

女婿 案婿從胥士儒者之稱說文或作婿音與細

同俗多誤呼絮

聾 聾 聾 案此皆婿之異文也禮記昏

義婿執雁入釋文婿一本作聾唐公房碑期聾谷口

山上王羲之女兒帖取卿為女聾皆作聾字楊子方

言東齊間聾謂之倩風俗通怪神女新從聾家來及

唐第五公等華嶽頌碑題名皆作聾字詩有女同車

箋婿御輪三周釋文婿一本作聾儀禮士昏禮注婿

之室也釋文又云婿一本作聾左文八年傳公婿池

之封釋文又云婿一本作聾據顏光祿干祿字書云

聳聳婿三字上俗中通下正則婿婿婿亦在通俗之

例矣

倩 卒便 平使 史記倉公列傳黃氏諸倩徐廣曰

倩者女婿也 漢書女婿曰倩 方言東齊之間婿

謂之倩郭璞曰言可假倩也今俗呼女婿為卒便是

也卒便一作平使 老學菴筆記昭德諸晁謂婿為

借倩之倩近世方訛為倩盼之倩

甥 館甥 爾雅妻之父為外甥舅註謂我舅者吾謂之

甥然則婿亦宜呼為甥孟子曰帝館甥於貳室是也

又稗海序吾鄉鈕石溪先生藏書至數千函予為先

半生長公館甥故得縱觀是又連館言之

子婿 史記張耳陳餘傳趙王敖自上食禮甚卑有子

婿禮錙敬傳冒頓在困為子婿 後漢書吳漢傳述

遣子婿史與 柳子厚祭楊憑詹事文自稱子婿稱

憑為丈人

女婿 漢書淮陽憲王欽傳張博女婿京房 王莽傳

引光女婿甄 後漢書楊震傳乞還女婿 三國志

趙達傳女婿昨來賀齊傳張雅與女婿何雄

女夫 晉書羊祜傳祜之女夫嘗勸祜有所營置祜默

然

婿甥 王暉過劉元海陵寢詩咄嗟呼韓子崛起蒲離

陰白云漢婿甥赫怒開實沈蓋并二者而合爲一稱

也

郎婿 東觀漢記萬壽公主上愛女將下嫁命擇郎婿

密親 唐書韋處厚傳治長縲綆仲尼選爲密親

半子 符載祭外舅房州李使君文意敵周親禮成半

子 唐回紇傳咸安公主下嫁可汗上書恭甚其言

昔爲兄弟今爲半子 劉禹錫祭揚庶子文乃命長

嗣爲君半子

嬌客 東坡和王子立詩婦翁不可撾王郎非嬌客注

婿曰嬌客子立乃子由婿也 老學菴筆記秦會之

有十客以婿爲嬌客 楊維禎詩兄弟不減骨肉親

喜作喬家兩嬌客

東牀 宋人釋常談女婿謂之東牀晉太尉郗鑒遣門

生求女婿於王導家導命來使遍觀之王氏子弟咸

自矜持惟一人於東牀坦腹而臥旁若無人郗太尉

聞之曰東牀坦腹者佳婿也訪問乃是羲之遂以女妻焉後世稱婿為坦亦即此也 劉長卿子婿李穆

詩賴有東牀客池塘免寂寥

坦牀 江鄰幾雜志曹佾太尉長秋母弟張貂耆之坦牀

少婿 蘇秦傳今燕雖弱小即秦王之少婿也

快婿 北史劉延明傳年十四就博士郭瑀學瑀有女曰吾欲覓一快婿即佳婿也

鬻婿 遼齊閒覽今人於榜下擇婿號鬻婿 岑參詩

君為禁鬻婿爭看玉人遊 案晉武帝婿謂王珣曰

如真長子敬足矣珣曰謝渾不及真長不減子敬未

幾帝崩袁崧欲以女妻之珣曰卿莫近禁鬻據此則

遼齊閒覽之稱鬻婿蓋本於此

猥婿 顏氏家訓近世嫁娶比量父祖計較錙銖市井

無異或猥婿在門或傲婦擅室

接腳婿 癸辛雜誌既而元燕家為伐柯一村豪家為

接腳婿 案徐元杰為林喬作伐也接腳婿者其前

夫沒後更招一婿之謂

贅婿

就婿

公羊襄十六年傳君若贅旒然注贅繫

對屬之辭若今俗名就婿爲贅婿矣漢書賈誼傳故

秦人家富子壯則出分家貧子壯則出贅注應劭曰

出作贅婿也師古曰謂之贅婿言其不當出在妻家

亦猶人身體之贅有疣非所應有也一說贅質也家

貧無有聘財以身爲質也又滑稽傳滄于髡者齊之

贅婿也韻會男附女家謂之贅婿

布袋 猗覺寮雜記世號贅婿爲布袋多不曉其義或

以爲如入布袋氣不得出頂故名附舟入浙有一同

舟者號季布袋或問曰如何入舍婿謂之布袋衆無

語忽一人曰此語訛也昔人家有女無子恐世代自

此絕不肯嫁出招婿以補其代故謂之補代耳潛

居錄云馮布少時贅於孫氏其外父有煩瑣事輒曰

俾布袋之至今吳中以贅婿爲布袋

入舍女婿 夷堅志隗伯山條饒州市隗千三名伯者

淳熙初年贛州門裏王小三家作入舍女婿

私婿 家語昔東夷之子慕諸夏之禮有女而寡爲納

私壻終身不嫁不嫁則不嫁矣非有貞節之義也

亡女之夫

邱壻 史記滑稽傳注孟康曰西方謂亡女壻曰邱壻

女之子

外孫 儀禮喪服總麻三月章外孫鄭注女子子之子

賈疏以女外適而生故曰外孫 春秋僖五年杞伯

姬來朝其子公羊傳何休注夫禮外孫初冠有朝外

祖之道 爾雅女子子之子為外孫晉書謝約父重

卽王敬之外孫晉孫楚有和氏外孫道生哀文和氏

外孫小同哀文

外孝孫 唐制封贈宰相止及其父若以恩回贈不但

其祖雖異姓亦及之劉總外祖張懿贈工部尙書制

曰有外孝孫為我賢輔見野客叢書

女之女

重親 史記外戚世家呂后長女為宣平侯張敖妻敖

女為孝惠皇后呂太后以重親故欲其生子

壻之父母與婦之父母相謂

婚姻 爾雅壻之父為姻婦之父為婚婦之父母壻之

父母相謂為婚姻。案婚姻二字古人實亦通稱。士昏禮云某以得為婚姻。又云某得為外婚姻之數。又云某以得為昏姻之故。是婦與婿之父母並得自稱為婚姻。而二字連文並舉矣。又詩云燕爾新婚。則夫稱其婦亦得曰婚。又云不惟舊姻則婦稱其夫亦得曰姻矣。

親家。續漢書禮儀志百官四姓親家婦女。王符潛夫論權臣必以親家。三國志注引魏末傳王凌少子明山投親家食親家告吏。輟耕錄云凡男女締

姻者兩家相謂曰親家。此二字見唐書蕭嵩傳。案蕭嵩傳子衡尚新昌公主。帝恆呼嵩為親家。今世俗通呼親字為去聲。盧綸作王駙馬花燭詩云人主人臣是親家。則亦前有所本矣。案履園叢話謂今人呼媼家為親家。始見於後漢書禮志。則此稱漢已有之。固不自唐始也。然荀子非相篇棄其親家而欲奔之。已有此稱。但不如今所謂親家耳。

親家公。親家翁。隋書李穆傳吾宗社幾傾賴親家公而獲全耳。又房陵王勇傳劉金麟諂佞人也呼定

興作親家翁 高懌羣居解頤蕭瑀對曰臣是梁朝
兒隋室皇后弟唐朝左僕射天子親家翁太宗撫掌
極歡而罷

師友

夫子 論語稱夫子者一十五處 王東澍柳南隨筆

夫子之稱始見於尚書牧誓篇蓋武王所以呼將士
也繼又見於小戴禮公叔文子卒一章則又爲君之
稱臣矣而左傳書中稱夫子者不一處如子重楚令
尹也而稱晉大夫欒鍼曰夫子荀偃魏絳皆晉大夫

也而絳之稱偃則曰夫子向戌樂喜皆宋臣也而戌
之稱喜則曰夫子又季札吳之公子也孫文子衛之
亡臣也而札之稱文子則曰夫子子皮子產所從受
政者也而其稱子產則曰夫子師曠晉之樂師也叔
向晉大夫也而向之稱曠則曰夫子康王楚君也士
會晉臣也而康王之稱士會則曰夫子又案杜工部
集如鄭司戶蔡著作陳補闕韋書記皆其友也而詩
中悉以夫子稱之歷觀諸書而知所謂夫子者乃尊
卑貴賤之通稱不特弟子之於師也獨魯論一書中

似有專屬然觀夫子之稱遽伯玉子貢之稱棘子成
叔孫武叔則又不盡然矣近代師生必稱夫子不知
何本若以孔門爲例似近於僭若以尊卑貴賤之通
稱而稱其師又近於褻兩者固交失之聞近時遂甯
相公每戒其門人勿稱夫子殆亦以是也夫 案今
人稱師曰老夫子自是妥協乃近日各直省官署中
率以稱其幕賓初稱於名幕後乃濫及後生徒形其
醜而近人又因其醜也則於本師之稱節去老字單
稱夫子其醜益甚矣

先生 禮曲禮上從於先生注先生老人教學者韋昭
辨名古者稱師曰先生 韓詩外傳古謂知道者曰
先生何也猶言先醒也不聞道術之人則冥於得失
眊眊乎其猶醉也 賈子新書懷王問於賈君曰人
謂知道者爲先醒何也賈君對曰此博號也 通俗
編今先生之稱泛矣而教學者獨專之實合於經訓
也歸田錄吳敬夫題村學堂聯闌干苜蓿先生飯
函丈 禮席閒函丈注函猶容也講問宜相對容丈足
以指畫也又凡待坐於大司成者遠近閒三席可以

問注席廣三尺三寸三分則是所謂函丈也 顏延

之皇太子釋奠詩尚席函丈丞疑奉帙 蘇軾詩老

守厭簿書先生罷函丈

西席 漢明帝尊桓榮以師禮上幸太常府令榮坐東

面設几故師曰西席

外傅 禮內則十年出就外傅注外傅教學之師也

傅父 七發貴人之子必宮居而閨處內有保母外有

傅父

子 論語學而皇疏子是有德之稱古者稱師為子也

又皇疏願聞子之志又孝經孔子曰釋文均稱師曰

子

訓人 書康誥矧惟外庶子訓人鄭注訓人師長

師儒 周禮大司徒四曰聯師儒注師儒鄉里教以道

藝者又序官注師教人以道者之稱也

講師 後漢書禮儀志養三老五更之儀先吉日司徒

上太傅若講師

經師 人師 漢書平帝紀元始三年夏安漢公奏校

學置經師一人 漢紀童子魏照求師郭泰供給洒

掃泰曰當精義講學何勞相近照曰經師易得人師
難求韓詩外傳五智如泉源行可以爲表儀者人
師也荀子王制夫是之謂人師

書師漢書藝文志閭里書師合倉頡爰歷博學三篇
斷六十字以爲一章凡五十五章並爲倉頡篇

俗師漢書藝文志倉頡多古字俗師失其讀

受知師

受知師歐陽脩詩受知固不易知士誠尤難

座主張藉寄蘇州白使君詩云登第早年同座主唐

武宗會昌三年中書覆奏奉宣旨不欲令及第進士
呼有師爲座主據是則座主之稱蓋始於唐

座師顧亭林日知錄云宋末已有先生之稱而至於
有明則遂公然謂之座師據是則唐稱座主宋稱先
生而稱曰座師曰老師則皆始於明也

老師薛能詩耽書未必酬良相斷酒爲堪作老師

宗王元美觚不觚錄嘉靖以前門生稱座主不過曰老
先生而已至分宜當國始稱老翁其厚者稱夫子此
後門生俱曰老師

舉主 端拱四年令內外官所保舉人有變節濫踰者
舉主自首免其罪

宗師 後漢著李通傳注平帝五年王莽攝政郡國置
宗師以主宗室

丈 劉克莊跋陸放翁帖余大父著作爲京教考浙漕
試呂成公卷子皆出本房家藏大父與成公往還真
蹟則云上覆伯恭兄成公則云拜覆著作丈案尊
稱中亦敘有丈

恩門 師門 恩府 說鈴談助宋舉及第者不得呼

知舉爲恩門爲師門及稱門生 金華子崇遠猶憶

往歲赴恩門請承乏丹陽又云以恩地爲恩府始於
唐馬戴戴著書不得盡忠於恩府而動天下之浮議

書院掌教

山長 趙時中遊龍門山記有東西中三書院皆名儒
碩士授受生徒至百人置山長以領之正今之所謂
山長也 小知錄荆湘近事五代蔣維東隱居衡岳
受業者稱爲山長 宋大中祥符間嶽麓書院山長
以行義著 元史黃澤傳字楚望大德中江西行省

相臣聞其名授景星書院山長 宋史理宗景定四年何基爲婺州教授兼麗澤書院山長又徐璣爲建甯教授兼建安書院山長 元史選舉志泰定元年三月中書省臣奏下第舉人仁宗延祐間命中書省各教授官之職以慰其歸今當改元之初恩澤宜溥蒙古色目人年三十以上並兩舉不第者與教授以下與學正山長漢人南人年五十以上並兩舉不第者與教授以下與學正山長惟已廢復與之復其法始變下第者悉授以路府學正及書院山長又增取鄉試備榜亦授以郡學錄及縣教諭於是科舉取士得人爲盛焉 又至元二十八年合江南諸路學及各縣學內設立小學選老成之士教之或自願招師或自安家學於父兄者亦從其便其他失儒過儀之地名賢徑行之所與好事之家出錢粟贍學者並立爲書院凡師儒之命於朝廷者曰教授路府中上州置之命於禮部及行省及宣慰司者曰學正山長學錄教諭路州縣及書院置之路設教授學正學錄各一員散府上中州設教授一員下州設學正一員縣

設教諭一員書院設山長一員中原州原學正山長
學錄教諭並受禮部付身各省所屬州縣學正山長
學錄教諭並受行省及宣慰司劄付
院長各書院掌教向稱山長蓋自南宋後卽有此稱
自乾隆三十年已奉諭改掌書院者之稱爲院長
則近人之仍稱山長者非矣案嵩陽書陽王曾奏

置院長

山主 台州守正華甫建上蔡書院楊棟爲山主

洞主 南唐昇元中白鹿洞建學館以本道爲洞主掌

其教授

學主 北史劉蘭傳瀛州刺史徵蘭講書於州南館植
爲學主故生徒甚盛

脩書使 合璧事類唐張說洛陽人上置洛陽書院聚
文學之士或脩書或侍講以說爲脩書使 案此亦
山長類也

監院

直學 元史選舉志凡路府州書院設直學以掌錢穀
從郡守及憲府官試補直學考滿又試所業十篇陞

為學錄教諭後改直學考滿為州吏案此即今之
監院也惟先由試補而考滿後得陞學縣教諭及為
州吏則元代之制與今不同

蒙師

蒙師 湧幢小品皋亭山故元伯顏取宋屯兵之處也
村中一蒙師唐姓者年八十餘自言其家駐此六世
矣

學究 郎仁寶七脩類藁曰近世嘲學究云我若有道
路不做猢猻王據此則蒙師亦得稱學究

門客 老學庵筆記秦會之有十客曹冠一教其孫謂
之門客

典蒙 發蒙 清波雜志皆蒙師之稱也

猴猻王 山堂肆考秦檜微時為童子師仰東脩自給
故有詩云若得水田三百畝這番不作猴猻王

女師

女師 朱子詩承家賴女師

師氏 詩葛覃言告師氏傳疏師女師也教女之師以
婦人為之

姆師 呂溫文姆師教之如琢美玉之易成

戊姆 表異錄漢書女師為戊姆 廣韻集韻韻會並

莫補切同姥女師也婦人五十無子出不復嫁以婦

道教人者 左傳宋伯姬卒待姆也 案說文姆女

師也從女每聲讀若母是戊母姆姆同也

傅姆 杜牧杜秋娘詩畫堂受傅姆天人親捧持

姆傅 庾信尉遲夫人志銘姆傅習言公宮教業

內傅 西京雜記趙王如意幼未能親外傅戚姬使舊

趙王內傅趙媼傅之

娶 音阿女師也杜林加教于女也

宣文君 晉書韋逞母宋氏立講堂置生徒百二十人

隔絳紗幔而受業號宣文君

師自稱

友生 友弟 恆言錄朱存理鐵網珊瑚錄貞溪諸名

勝詞翰皆元時筆札也其紙尾署名有云友生王逢

頓首再拜有云友弟錢應庚再拜有云友弟邵亨貞

書皆施之於門下士者 湧幢小品翰林名柬字大

幾與亞卿等余在姚畫溪公家見公座主王槐野名

帖稱友生字同蠅頭

弟子

弟子儀禮不相見禮與君言言使臣節疏書傳大夫

致仕為父師士致仕為少師教鄉閭子弟雷次宗云

大學生事師雖無服有父子之恩故稱弟子云史記

仲尼弟子傳贊余以弟子名姓文字悉取論語弟子

問並次為篇荀悅東觀漢紀張奐安坐帷中與弟

子誦書自若

舊弟子漢書董仲舒傳孝景時為博士下帷講誦弟

子傳以久次相授業注但就其舊弟子授業不必親

見

門弟子 論語屢見

著錄弟子 後漢書張興傳聲稱著聞弟子自遠至者

著錄且萬人注著於籍錄 陸陞石闕銘置博士之

職而著錄之生若雲

高業弟子 後漢書鄭康成傳馬融生徒四百餘人升

堂進者五十餘人康成在門下三年不得見乃使高

業弟子傳授 後漢魯恭在公位選羣高弟至郡守

者數十人 案高弟卽高業弟子之謂也

高足 語林曰鄭元在馬融門下三年不能見令高足弟子傳授而已

受業 孟子願留而受業於門 史記孔子世家弟子

彌眾至自遠方莫不受業焉 又鄒子如燕昭王擁

篲先驅請列弟子之禮而受業築碣在宮身親往事

之 晉書郭璞傳有郭公者客居河東精於卜筮璞

從之受業 王智深宋紀詔徵士周勣於東陵立學

裹糧受業百餘人

授業生 見上歐陽原功詩序狀元門

諸生 生 漢書叔孫通傳諸生曰生何言之諛也

劉長卿詩魯國諸生半在門 韓愈進學解招諸生

立館下 史記酈生傳高祖謂酈食其以萬戶封生

注師古曰生猶言先生文穎曰諸生也韓文答李翊

書愈白李生足下又愈白尉遲生足下

學生 宋王楙壙銘郭紹彭撰盧憲書張顧題蓋其結

銜上俱冠以學生其文云受業六載唐書選舉志律

學生以律令爲專業書學生以石經說文字林爲專

業案白帖載晉嵇康將刑東市學生三千人上書

請爲師則晉人已有學生之稱

高門學生一作看書涼武昭王傳立泮宮增高門學生五

百人

門生後漢書賈逵傳皆拜逵於選弟子及門生爲郎

王仁裕示諸門生詩三百一十四門生風春初長

羽毛成白居易送牛僧孺出鎮詩何須身自得將

相是門生五代史裴皞傳桑維翰皞禮部所放進

士也維翰已作相嘗過皞皞不迎不送人問之皞曰

我見桑公於中書庶寮也桑公見我於私第門生也

何迎送之有案歐陽公謂漢人以親受業者爲弟

子轉相授受者謂門生後人多辨其誤然據賈逵傳

則弟子門生似小有別至六朝以來則門下客通謂

之門生其稱益濫趙氏陔餘叢考詳言之白帖載

王褒門生爲縣役褒不囑縣令乃步擔乾飯而立路

旁磬折而言門生爲役故來送令卽放之案王褒爲

西漢時人據此則門生之稱西漢已有之矣賈逵傳

尙非其始又案徐幹中論譴交篇曰有榮名於朝

而稱門生於富貴之家者是今拜門生之始。明人小說有稱未面門生者。又案唐逢吉知貢舉榜成未放而入相及入第就中書見座主時謂好腳迹門生。私門生。南史姚察傳嘗有私門生不敢厚餉而立及門。元史許謙傳及門之士千餘人。言之。白。門下。淮南子道應訓昔者公孫龍在趙之時謂弟子曰人而無能者龍不能與游有客衣褐帶率而見曰臣能呼公孫龍顧謂弟子曰門下有能呼者乎。門下士。韓愈詩我實門下士力薄蚋與蚊。蘇軾詩

醉翁門下士雜沓難為賢。小士庸庸焉人宜無言。

門下生。後漢書桓榮傳榮薦門下生九江胡憲侍講。

門童。小知錄隸釋謂漢儒開門授徒親授業則曰弟子次相傳授則曰門生未冠則曰門童。

徒。論語非吾徒也。

門徒。西京雜記子雲曰孔子門徒游夏之儔所記以

解釋六經者也。案謂爾雅。

生徒。潘岳閒居賦祁祁生徒。裴景仁前秦記韋逞

母宋氏傳其父業得周官音義自非此母無可授後

生於是就宋立講室書堂生徒百二十八人

學徒 後漢書鄭康成好學日夜詩誦未嘗怠倦學徒

相尋數百千人

學子 墨客揮犀有先生為學子不欲束脩自往詣之

學子閉門不接

小子 見論語

小生 漢書朱雲傳薛相為丞相雲往見之宣備賓主

門禮謂雲曰且留我東閣可以觀四方奇士雲曰小生

乃欲相吏耶又張禹傳新學小生亂道誤人宜無信

用

僕 莊子則陽篇仲尼曰是聖人僕也注猶言聖人之

徒也

先輩 李方叔東坡門人也坡與書稱為先輩 白居易

易有贈新登科先輩詩 案李肇國史補云進士為

時所尚久矣由此而出者終身為文人其都會謂之

舉場通稱謂之秀才投刺謂之鄉貢得第謂之前進

士互相推敬謂之先輩俱捷謂之同年有司謂之座

主據此則先輩之稱蓋始於唐此乃弟子與弟子自

相稱也

都講 後漢書侯霸傳師事九江大守房元治穀梁春秋爲元都講

父之師 師之師

太老師 敏求軒述記洪稚存書遺事云翁學士方綱

與武虛谷億有淵源武顧不喜之殿試對策 保和

殿日晡翁派收卷亦在殿謂武曰汝爲我小門生知之乎武忿怒抵几起曰此豈認太老師處乎 案太

老師小門生是 本朝稱謂經史罕可引證者只可

以 本朝掌故證之惟前人亦有門生門下見門生之句及楊嗣福率生徒迎父此卽太老師小門生故事但此二者不必辨爲何項耳五代史裴皞傳宰相馬允孫桑維翰皆皞禮部所放進士也後允孫知舉放榜引新進士詣皞皞喜作詩曰門生門下見門生又唐書楊嗣復傳嗣復領貢舉時於陵自洛入朝乃率門生出迎此兩條禮闈故事案今未入進士於座主房官之坐主房官稱太老師如太老師係翰林前輩則自稱門下晚生

太先生 唐書元結傳結卒年七十六門人私稱曰太

先生案今之稱太老師亦有稱太先生者本此

師之父 師之妻

師祖 師母 魏叔子師友行輩議德業之師以父道

事之師之父尊其稱曰祖師之妻尊其稱曰母此名

之不可殺者也

小門生

小門生 七脩類藁以弟子復傳於人為門生是則今

之小門生耶

門下門生 裴皞詩三主禮闈年八十門生門下見門

生 山堂肆攷宋王元之謫黃州蘇易簡知貢舉適

放榜奏曰元之名儒今將行欲令榜下諸生送於郊

上可其奏諸生郊別元之謂狀元孫何曰為我多謝

蘇公口占一絕云綴行相送我何榮老鶴乘軒愧谷

鶯三入承明不知舉看人門下放門生

門下晚生 詞林典故師之父亦稱太老師自稱為門

下晚生與師之師及父之師並同其太老師之師不

叙師生禮

瓜蔓抄 永樂族景清轉相支連九族之姻親門生之

門生名瓜蔓抄又見小知錄

師之兄弟

師伯 師叔 魏叔子師友行輩議師伯叔者俗稱也

何也師之兄弟有可以為吾弟子者則分非一定也

師之子以兄弟視之常也然師有以門人為其子師

者故學與齒相去也遠而師視其門人如至友則師

之子可事以父執

師之子

師兄弟 崔峒有潤州送師弟自江夏往台州府

太老師之子

世叔 詞林典故翰林於太老師之子稱世叔如係前

輩稱通家世晚生或通家世侍生不稱世姪

師與弟之父兄相稱

通家 漢書孔融傳膺請融問曰高明祖父嘗與僕有

恩舊乎融曰然先君孔子與君先人李老君同德比

義而相師友則融與君累世通家 冬夜箋記載明

人往來名刺世交則稱通家

通家晚生 詞林典故凡兄弟之師亦稱師兄於弟師

屬前輩者無論科分稱通家晚生弟於兄師同門生

稱

狎客 避暑漫抄丁禩以通家為狎客

祖之友

祖執 大父行 執者言所執禮也又曰大父行行列

也鄭當時有才德祖執之輩與為友故謂其友皆曰

大父行

祖舊 管子順民之經在明鬼神祇山川敬宗廟恭祖

舊

父之友

父執 曲禮見父之執注父同志者 杜甫詩怡然敬

父執問我來何方

諸父行 晉書禮志父之執友有如子之禮亦稱諸父

大行

大伯 大叔 米芾與人帖承借贖員其人不名自稱

曰張大伯是何老物輒欲為人父之兄若為大叔猶

之可也

再謂錄

卷八

四

老伯 老叔 兩般秋雨菴隨筆今人於父執率稱老

伯舅氏華春濤先生則必比較年齒長於父者曰老

大伯少於父者曰老叔截然不可紊也其人不可自稱

先友 東坡志林先友史經臣字彥輔眉山山人與先子

同舉制策 書甄志公之時文有以子之甄亦稱先父

父客 書敘指南父之賓友曰父客子之賓友曰子客

丈人 丈人行 講藝記丈人吾父之友 漢書匈奴

傳漢天子我丈人行

朋友

朋友 周禮地官大司徒注同師曰朋 公羊同門曰

朋同志曰友

友執 晉書王導傳導與元帝契同友執

友生 詩矧伊人矣不求友生

友舊 皇甫湜韓愈墓誌族姻友舊必待我然後衣食

嫁娶喪葬

老友 宋史蔡元定傳元定聞朱熹名往師之熹叩其

學大驚曰此吾老友也不當在弟子列

小友 唐書李泌傳張九齡與嚴挺之蕭誠善挺之惡

誠佞勸九齡謝絕之九齡獨念齡太苦勁蕭輒美可
喜方命召蕭泌曰公起布衣以直道至宰相而喜輒
美者乎九齡驚改容謝之因呼小友

知己 韓詩外傳載管仲曰生我者父母知我者鮑叔

士為知己者死馬為知己者良

心期 文選中道遇心期案心期謂心約之友也

刎頸交 漢書張耳陳餘傳相與為刎頸交又廉范傳

范與洛陽慶鴻為刎頸交時人稱曰前有管鮑後有

慶廉

忘年交 南史何遜傳遜弱冠舉秀才范雲見其對策

大相稱賞因結忘年交 案初學記引張隱文士傳

曰禰衡有逸才少與孔融作爾汝交時衡未滿二十

而融已五十敬衡少秀忘年殷勤則忘年交之稱蓋

本於此

莫逆友 梁書何點傳與陳郡謝瀟吳國張融會稽孔

稚圭為莫逆友 案莊子載子祀子輿子黎子來四

人相視而笑莫逆於心今人稱友曰莫逆蓋本於莊

子

面朋 面友 法言朋而不心面朋也友而不心面友也

世誼

世講 官箴同僚之契交承之分有兄弟之義至其子孫亦世講之前輩專以此為務今人知之者蓋少矣世舊 唐書杜甫傳嚴武再師劍南表為參謀檢校上
部員外郎武以世舊待甫甚善 王索傳帝曰朕真宗皇帝之子卿王旦之子有世舊非他人比也 蘇軾詩文舉與元禮尚得稱世舊

紀羣交

魏志陳羣傳魯國孔融高才倨傲年在紀羣之間先與紀友後與羣交更為紀拜由是顯名 北史陸卬傳卬善屬文甚為河間邢邵所賞邵又與卬父子彰交遊嘗謂子彰曰吾以卿老蚌遂出明珠意欲為羣拜紀可乎 案此皆紀羣交也

年誼

同年 國史補俱捷謂之同年 徐夔贈垂光詩他時黃閣調元處莫忘同年射策人 蘇軾傳通家不隔同年面得路方知異日心 許渾詩甘心不及同年

友又東坡詩吾州同年友粲若琴上心 日知錄今人以同舉爲同年唐憲宗問李絳曰人於同年固有情乎對曰同年乃九州四海之人偶同科第或登科然後相識情於何有然穆宗欲誅皇甫鏘而宰相令狐楚蕭俛以同年進士保護之矣 案吳志周瑜傳言堅子策與瑜同年步騭傳言與廣陵衛旌同年此當是年齒之年

先後同年 王士正古夫于亭雜錄前輩如以甲子科舉者猶及見後甲子科則與新榜中式爲同年此余

幼聞諸先祖方伯贈尙書府君者

同歲 風俗通南陽五世公爲廣漢太守與司徒長史

段遼叔同歲又與東萊太守蔡伯起同歲又云蕭令

吳斌與司徒韓演同歲 三國志魏武帝紀公與韓

遂父同歲孝廉 漢敦煌長史武班碑金鄉長河間

高陽史恢等追維昔日同歲郎署 孝廉柳敏碑縣

長同歲犍爲屬國趙臺公 晉書陶侃傳侃與陳敏

同郡又同歲舉吏 案所云同歲皆卽今之同年也

同歲生 後漢書李固傳潁川甄邵諂附梁冀爲鄴令

有同歲生得罪於冀亡奔邵偽納之陰以告冀冀捕殺之

年家 冬夜箋記載明八年誼稱年家後則無論有無科第俱稱年家

同門

同門 易朋友講習疏同門曰朋 後漢書盧植傳植

少事馬融與鄭康成同門相友 白居易詩平生同

門友通藉在金閨

同門生 後漢書王丹傳丹子有同門生喪親

同譜

如兄 如弟 淮南子上視下如弟則下視上如兄

仁兄 後漢書文苑傳趙壹答皇甫規云實望仁兄

拜親友 白帖載荀顗王濟何劭為拜親友殆如今所

謂盟兄弟乎



